

ಪುರಂದರದಾಸೆರೆ ಪದೋಕುಲ

ಅನುವಾದೋ.

ಡಾ|| ಕಬ್ಬಿನಾಲೆ ವಸಂತ ಭಾರದ್ವಾಜ

bbinale Vasantha Bharadwaja, Sathyaprasada
Kabbinale, Karkal Taluk. Published by F
hana, Kabbinale, Karkala Taluk.-576 112.

Publication : 1999.

: vi + 74

Rs. 30/-

Rights Reserved.

*Book is published with the Financial Assis
Tirumala Tirupati Devasthanams under th
scheme 'Aid to publish Religious Books'.*

ಯಾನ್ ತುಳುವೆ. ಎನ್ನ ಊರು ತುಳುತ ಊರು. ಎನ್ನ ನಾ
 ಪುಟುದಿನಿ ತುಳುತ ವಾತೆರ. ಅಂಬಾದ್ ತುಳುಟು ಕಬಿ
 ಸಂಡ ಎಂಕ್ ಭಾರೀ ಸಂತೋಷ. ಶಾಲೆಗ್ ಪೋವೊಂದಿ
 ನಾಟಕೋಲೆಗ್ ಪದ್ಯ ಬರೆಯೆರೆ ಸುರು ಮಲ್ತೆ. ಊರುಡು
 ಂಬಾ ಮೆಚ್ಚಿಕೆ ತಿಕ್ಂಡ್. ಅಂಚನೇ ಎಂಕ್ಲೆ ಊರುಡು ನಡ
 ಸಪ್ತಾಹೋಡು ದಾಸೆರೆ ಪದೋಕುಲೆನ್ ತುಳುಕು
 ಪಣಿಯೆರೆ ಸುರುಮಲ್ತೆ. ಅವುಲಾ ಜನೋಕು ಕುಶಿ ಕೆ
 ನಲಿಕೆಡ್ ತುಳು ಪದೋಕುಲು ರೈಸರೆ ಸುರು ಆಯ
 ದಾಸೆರೆ ಪದೋಕುಲೆ ತುಳು ಅನುವಾದೋ ಎರೊಂದು
 ತುಳುತ ಬೆನ್ನಿ ದುಂಬು ದುಂಬು ಸಾಗ್ಂಡ್.

ಯಾರ್ ಇರ್ವ ವರ್ಸೋ ದುಂಬು ತರ್ಜುಮೆ ಮಲ್ತೆರೆ ಸುರು
 ಪುರಂದರ ದಾಸೆರೆ ಪದೋಕುಲು' ಇತೆ ಪುಸ್ತಕ ಆವೊ
 ದಾಸೆರೆನ ಪ್ರಸಿದ್ಧ ಪದೋಕುಲೆನ್ ಮುಲ್ಪ ಅನುವಾದೋ
 -ಸಾಹಿತ್ಯ-ಅಧ್ಯಾತ್ಮ ಮೂಜಿ ಪಿಜಿರ್‌ದ ಈ ನೆಯ್ಗೆನ್ ಅನ
 ವು ಸುಲಭೋದ ಕೆಲಸ ಅತ್ತ. ರಾಗ-ತಾಳ-ಛಂದಸ್ಸೆಡ್
 ಸಾಲ್‌ದ ಭಾವೋನು ಆತೇ ಉದ್ದೊದ ಗೀಟ್‌ಡ್ ಬೆ
 ಪಣ್ಣಿನವು ಏತೋ ಸರ್ತಿ ಕಷ್ಟ ಆಪುಂಡು. ಆದಿಪ್ರಾಸೋ
 ಪ್ರಾಸೋ ಹೊಂದುಜ್ಜಿ; ಅಂತ್ಯಪ್ರಾಸೋ ಹೊಂದ್‌ಂಡ ಆ
 ಗಣನಿಯಮೋ ಸರಿ ಬತ್ತಂಡ ಮಾತ್ರ ತಾಳೋಗು ತಿಕ್ಕೆರ

ಜನೂಲಾ ತಂಕ್ಷೆನನೇ ಪಂಡ್‌ದ್ ಎಣ್ಣೊಲಿ. ಅಂಚಾದ
 ಭಾಷೆಗ್ ಹೊಂದಿಕೆ ಆಪಿನಂಚಿನ ಕೀರ್ತನೆಲೆನ್ ಮಾತ್ರ
 ದ ಮಲ್ತದೆ. ದಾಸಸಾಹಿತ್ಯೊದ ಗತ್ತ್ ಗಾಂಭೀರ್ಯೊ
 ಪದಪ್ರಯೋಗೊಲೆನ್ ಏತೋ ಕಡೆ ಅಂಚನೇ ಬ
 ಯಿನಾತ್ ತುಳು ಸಂಸ್ಕೃತಿಕ್ ಒಪ್ಪುನ ಪರಿಭಾಷೆನ್ ಬಳಸು
 ದ ಸೌಕರ್ಯೊಗು ತುಳುತ ಬೇತೆಬೇತೆ ಪ್ರಭೇದೊಲೆನ್
 ಲಾ, ಎನ್ನ ಹೆಬ್ರಿದ ಸುತ್ತಮುತ್ತದ ತುಳುನೇ ಹೆಚ್ಚಾದ್ ಉ
 ನೆ. ತುಳುವೆರ್ ಎನ್ನ ಈ ಪ್ರಯತ್ನೊನು ಮೋಕೆಡ್
 ಬಯಕುವೆ.

ತಿರುಪತಿ-ತಿರುಮಲೆ ದೇವಸ್ಥಾನೊಲೆನ 'ಧಾರ್ಮಿಕ ಪುಸ್ತಕ
 ನೆಡ್' ಈ ಪುಸ್ತಕ ಬೊಲ್ಬುಗು ಬರೊಂದುಂಡು.
 ಸೆರೆನ ಮೋಕೆದ ತಿರುಪತಿ ಶ್ರೀನಿವಾಸದೇವೆರೆನ ಅನುಗ
 ದೇವಸ್ಥಾನೊದ ಆಡಳಿತಾಧಿಕಾರಿಲೆಗ್ ಎನ್ನೊ ಸೊಲ್ಮೆ
 ಈ ಪುಸ್ತಕೊಗು ಪೊರ್ಲುದ ಬೆರಿಪಾತೆರ ಬರೆಯಿನ ಪ್ರಸಿ
 -ಸಂಶೋಧಕರಾಯಿನ ಶ್ರೀ ಪಿ. ವೆಂಕಟರಾಜ ಪುಣೆಂಚತ್ತಾ
 ಪ್ರಖ್ಯಾತ ಸಂಗೀತ ವಿದ್ವಾಂಸರಾಯಿನ ಶ್ರೀ ವಿದ್ಯಾಭೂಷಣೆರ
 ದಿಂಜಿನ ಸೊಲ್ಮೆಲು. ಮುಖಪುಟತೊ ರೇಖಾಚಿತ್ರ

ಪದ

- * ಗಜವದನ ನಟ್ಟುವೆ
- * ಯಾದವ ಯೀ ಬಲ
- * ಮೆಲ್ಲೊ ಮೆಲ್ಲೊನೆ ಬತ್ತನೆ
- * ಗುಮ್ಮನ್ ಲೆಪ್ಪಡಯ
- * ಇಲ್ಲದಲಯಿ ಗೊಬ್ಬು
- * ಆಯಿನ ಪೂರಾ ಎಡ್ಡೆನೇ ಆಂಡ್
- * ಪೂ ಕೊನಪಿನಾಯನಡೆ
- * ಓ ಕೃಷ್ಣ ಪೋವಡಪ್ಪ
- * ತೂದು ತೂದು ಈ ಎನ್ನ
- * ನಿನ್ನ ಧ್ಯಾನೊಡು ಯಾನ್
- * ಯಾನ್ ಮಲ್ಲಿನ ಕರ್ಮ
- * ದಾನೆಯ ಮಲ್ತೆ ಯಾನ್
- * ಉಂದು ಭಾಗ್ಯ ಉಂದು ಭಾಗ್ಯ
- * ಆಚಾರ ಇಪ್ಪಂದಿ ನಾಲಯಿ
- * ನಾರಾಯಣ ಪಣ್ಣರಾವಂದಾ
- * ಕರುಣಾಕರೆ ಯೀ ಪನ್ನುನಿ ದಾಯೆಗ್
- * ಅಂಬಿಗ ನಿನನೇನ್ ನಂಬಿಯೆ
- * ಈ ತರತ ಪೋರ್ಲು
- * ಬಿನ್ನಯೊಗು ಬಾಯಿಜ್ಜೆ
- * ಮಾತೆನ್ನಾ ತೆರಿದೆ ಪನ್ನರತ್ತ

ತೂಂಡು ಕರುಣಾನಿಧಿನ್
ಕೊರುಬೇಗ ಎಡ್ಡೆ ಮತಿ
ಪಾಲಿಪಮ್ಮ ಮುದ್ದು ಶಾರದಾ
ರಾಮ ರಾಮಾ ಪಣ್ಣೆಯ
ನಂಬಡ ಈ ದೇಹ ನಿತ್ಯೊ ಆತ್ಮ
ದಾನೆ ಬರೆಯಾ ಬ್ರಹ್ಮ
ಬಾಲೆನ್ ತೂಯರಾ
ಪುಲೈರೆ ಲಕ್ಶ್ಮಿ ಗೋವಿಂದ ಪಣ್ಣೆ
ದಾನೆ ಮರ್ಲಾಯಮ್ಮ ಓ ರುಕ್ಕಿಣಿ
ಪಿಂಡಾಂಡದುಲಯಿದ ಕಂಡನನ್ ತೂವಂದೆ
ಸುಲಭ ಪೂಜೆನ್ ಮಲ್ಲಿ
ನಿನ್ನನೇ ನಂಬಿಯೇ
ಗೋಪಿನ ಭಾಗ್ಯ ಉಂದು
ಡಂಗುರನ್ ಸಾರ್ಲೆಪ್ಪ
ಬುಡಯೆ ನಿನ್ನ ಪಾದ
ಮುಯ್ಯಿಗ್ ಮುಯ್ಯಿ ತೀರಾಂಡ್
ಎಂಚ ಬರೆತಾಂಡೊ ಪ್ರಾಚೀನೊಡು
ಕಲಿಯುಗೊಟು ಹರಿನಾಮನ್ ನನೆತಾಂಡ
ಮಾನವ ಜನ್ಮ ಮಲ್ಲಿಗೆ
ತಾದಿ ಒವ್ವು ಪಣ್ಣೆ
ಬದುಕಿಯೆ ಬದುಕಿಯೆ
ನಿನ್ನೆಂದೂ ನಿನ್ನೆಂದೂ

ಗಜವದನ ನಟ್ಟುವೆ (ಗಜವದನ ಬೇಡುವೆ)

ರಾಗ- ಧನ್ಯಾಸಿ; ಆದಿತಾಳ

ಗಜವದನ ನಟ್ಟುವೆ | ಗೌರಿನ ಮಗ
ಗಜವದನ ನಟ್ಟುವೆ
ತ್ರಿಜಗ ಗುರಿಕಾರ ಸುಜನ ಸೌಕಾರ

ಪತ್‌ದ ಪಾಶಾಂಕುಶ
ಪರಮ ವಿಘ್ನೇಶ
ಮಿತದ ಎಲಿತಮಿತ್ತ
ಮುನಿಜನ ಮುತ್ತು

ಆದರೊ ಮೋಕೆಡ್
ಪಾದನ್ ತೋಜಲ
ಸಾಧು ಸಜ್ಜನೆರೆಗ್

ಯಾದವ ಯೀ ಬಲ

(ಯಾದವ ನೀ ಬಾ)

ರಾಗ- ಕಾಂಭೋದಿ; ಏಕತಾಳ

ಯಾದವ ಯೀ ಬಲ ಯದುಕುಟುಮೊದ ಕೊಡಿ
ಮಾಧವ ಮಧುಸೂದನ ಬಲ್ಲ
ಸೋದರ ಮಾಮನ್ ಮಥುರೆಡ್ ಕೆರಿನ, ಯ-
ಶೋದನ ಕುಂದುರಿ ಯೀ ಬಲ್ಲ

ಕಾರ್ಡ ಗೆಜ್ಜೆ ಗುಲುಗುಲು ಪಣೊಂದು
ಜೋರುಡು ಕೊಳಲ್ನ್ ಉರಿತೊಂದು ।
ಪಾರ್ಡ್ ಚಣಿಕೋಲು ಬುಗುರಿನ್ ಗೊಬ್ಬೊಂದು
ಊರುದ ಜೋಕುಲೆನೊಟ್ಟುಗು ಬಲ್ಲ

ಶಂಖ ಚಕ್ರೊನು ಕೈಟ್ ಪತೊಂದು
ಬಿಂಕೊಡೆ ಕುಣಿತೊಂದು ಈ ಬಲ್ಲ ।

ಕಣ್ಣಿಪ್ಪುಳು ಅಕಲಂಕವಾಗಾಯುಣ

ಮೆಲ್ಲೋ ಮೆಲ್ಲೋನೆ ಬತ್ತನೆ

(ಮೆಲ್ಲ ಮೆಲ್ಲನೆ ಬಂದನೆ)

ರಾಗ- ಮೋಹನ; ಆದಿತಾಳ

ಮೆಲ್ಲೋ ಮೆಲ್ಲೋನೆ ಬತ್ತನೆ | ಗೋಪ್ಯಮ್ಮ ಕೇನ್ಲೆ |

ಮೆಲ್ಲೋ ಮೆಲ್ಲೋನೆ ಬತ್ತನೆ

ಮೆಲ್ಲೋ ಮೆಲ್ಲೋನೆ ಬತ್‌ದ್, ಗಲ್ಲೋಗು ಮುತ್ತು ಕೊ
ಕುಲ್ಲಂದೆ ಪಾರ್‌ದ್‌ಪೋನ ಕಟ್ಟಗ್ ಬುದ್ಧಿ ಪಣ್ಣೆ ||

ಪೇರ್ ಮಾರ್ರೆಗ್ ಪೋಯೆನೇ | ಈರೆನ ಮಗೆ

ಕಾರ್‌ಗಡ್ಡೊನ್ ಕಟ್ಟೆನೇ ||

ಪೇರ್ಡ್ಡು ಸುಂಕೊನು ಕೇಣ್ಡ್, ಮಾರ್ ಕೋಲುನು ಪತ್

ಗುಮ್ಮನ್ ಲೆಪ್ಪಡಯ (ಗುಮ್ಮನ ಕರೆಯದಿರೆ)

ರಾಗ- ತೋಡಿ; ಚಾಪುತಾಳ

ಗುಮ್ಮನ್ ಲೆಪ್ಪಡಯ | ಅಮ್ಮಾ ಈ
ಗುಮ್ಮನ್ ಲೆಪ್ಪಡಯ
ಗುಮ್ಮನ್ ಲೆಪ್ಪಡ ದಮ್ಮಯ್ಯ ಪಾಡುವೆ
ಮಮ್ಮ ಉಣ್ಣೆ ಇತ್ತೆ ಅಮ್ಮ ಬುಲ್ಬುಜಿ ಯಾನ್ ||

ಪೊಣ್ಣಲಿಪ್ಪನ ಬದಿಕ್ | ಪೋದು ಅಕ್ಲೆ
ಕಣ್ಣ ಮುಚ್ಚುಜಿ ಕಡೆಕ್ ||

ಅಣ್ಣಗ್ ನೆರಯೆನೆ ಕಿನ್ನಿಗ್ ದರ್ಪಯೆ
ಬೆಣ್ಣೆ ಕೇಣಯೆ, ಸೇಡಿ ಮಣ್ಣ ತಿನಯೆ ತೂಲ

ಪೋವಯೆ ಗುಯೆಲ್ದಡೆ | ಅಮ್ಮಾ ಯಾನ್
ಆ ವುಚ್ಚುಲೆಡೆ ಗೊಬ್ಬಯೆ ||

ಇಲ್ಲದಲಯಿ ಗೊಬ್ಬು (ಮನೆಯೊಳಗಾಡೋ)

ರಾಗ- ಪಂತುವರಾಳಿ; ಅಷ್ಟತಾಳ

ಇಲ್ಲದಲಯಿ ಗೊಬ್ಬು ಗೋವಿಂದಾ | ಬದಿ
ಇಲ್ಲೊಲೆಗ್ ದೇಗ್ ಪೋಪ ಮುಕುಂದಾ

ನೆಸಲ್‌ಗ್ ಬೊಟ್ಟುನು ದೀಪೆ | ಅಚ್ಚ
ಪೊಸಬೆಣ್ಣೆ ಕೈತ್‌ದ್ ಕಜ್ಜಾಯ ಕೊರ್ಪೆ ||
ಕುಸುರಿದಾಭರಣನ್ ದೀಪೆ | ಬಾಲೆ
ಪಸ್‌ದ್ ನಲಿಪೆ ನಿನ್ನ ಪೂರ್ಲುನು ತೂಪೆ

ಅಣ್ಣೆ ಆ ಬಲರಾಮ ಬೆರಿಯೆ | ಈ
ದಿನ್ನೆ ಬೊಟ್ಟು ಬೈಲ್ ತಿರುಗುನಿ ಸರಿಯೆ ||
ಪೊಣ್ಣಲು ದೇಗ್‌ಯ ಬರಿಯೆ | ಎನ್ನ
ಬಿನ್ನಯೊನೂ ಈ ಕೇಣ್‌ಲ ಹರಿಯೆ

ಆಯಿನ ಪೂರಾ ಎಡ್ಡೆನೇ

(ಆದದ್ದಲ್ಲಾ ಒಳ್ಳಿತೇ ಆಯ್ತು)

ರಾಗ- ಪಂತುವರಾಳಿ; ಆದಿತಾಳ

ಆಯಿನ ಪೂರಾ ಎಡ್ಡೆನೇ ಆಂಡ್
ನಾ- ರಾಯಣ ದೇವೆರೆ ಪೂಜೆಗ್
ಬೋ- ಡಾಯಿನ ಸಂಪತ್ತಾಂಡ್
ದಂಡಿಗೆ ಬೆತ್ತೊ ಪತ್ತೊಣೆರೆ ಯಾನ್
ಮಂಡೆ ಬಗ್ಗದ್ ನಾಚೊಂದಿತ್ತೆ
ಕಂಡಿತ ಬುಡೆದಿನ ಸಂತತಿ ಹೆಚ್ಚಡ್
ದಂಡಿಗೆ ಬೆತ್ತೊ ಪತ್ತೊಯಲಾಲ್
ಗೋಪಾಳಬುಟ್ಟಿ ಪಾಡೆರೆ, ರಾಜೆರೆ
ಜಾಪುಡು ಯಾನ್ ಮೆರೆಯೊಂದಿತ್ತೆ
ಆ ಪುಣ್ಯಾತ್ಮೆತಿ ಕುಲ ಹೆಚ್ಚಾವಡ್
ಗೋಪಾಳಬುಟ್ಟಿ ಪತ್ತೊಯಲಣ್ಣ

ಪೂ ಕೊಣಪಿನಾಯನಡೆ

(ಹುವ್ವ ತರುವರಮನೆಗೆ)

ರಾಗ- ಕಾಂಭೋದಿ; ರುಂಪೆತಾಳ

ಪೂ ಕೊಣಪಿನಾಯನಡೆ ಪಜಿರ್ ಕೊಣಪೆ ||

ಈ ಕೇಶವಗ್ ಇಜ್ಜಿ ಗವೊರ್ ಘನತೆ

ಒಂಜಿ ಇರೆ ಶ್ರೀತುಳಸಿದೊಟ್ಟು ಗಂಗೆದ ಬೊಟ್ಟು

ಒಂಜಿ ಮನಸೊಡ್ ಬುಡುದು ಕೈನ್ ಮುಗಿತೊಂಡೆ |

ದಿಂಜಿದಿನ ಭಕ್ತಿ ಭಾವೊಡು ಸೊಲ್ಮೆ ಸಂದಾಂಡ

ಕಂಜಿ ಕೈಕಂಜಿ ಕಾಪಿನ ಕೃಷ್ಣ ತೂಪೆ

ಬೇತೆ ಬೇತೆ ಪೂವು ದೇವೆರೆಗ್ ಕೊಣಕೊರ್ದು

ಈತೆಟ್ಟೆ ತೃಪ್ತಿ ಆವೊಡು ಪಂಡ್ಡ್ ಬೊಕ್ಕ ||

ಮಾತ ಈಯೇ ಪಂಡ ಹರಿಸೇವೆ ಮಲ್ತೊಂಡ

ಪ್ರೀತಿಡಾಯನ ಇಲ್ಲ ಸಮಪಾಲ್ ಕೊರುವೆ

ಓ ಕೃಷ್ಣ ಪೋವಡಪ್ಪ (ಪೋಗದಿರೆಲೋ ರಂಗ)

ರಾಗ- ಶಂಕರಾಭರಣ; ಆದಿತಾಳ

ಓ ಕೃಷ್ಣ ಪೋವಡಪ್ಪ | ಬಾಕಿಲೊಡ್ಡಾಯೆರೆ

ಓ ಕೃಷ್ಣ ಪೋವಡಪ್ಪ

ಬಾಕಿ ಭಕ್ತೆರ್ ಬತ್‌ದ್ ದೆರ್ತೊಂದು ಪೋವೆರ್ ||

ಯುಷಿ ಜನೊಕುಲು ತಂಗೆ ಹೃದಯದೊಂಪೊಡು ನಿನ

ಉಸಿರ್ ಕಟ್ಟೊಂದು ನಾಡುವೆರ್ ದೇವ ||

ಇಸೆ ತಿಕ್ಕಂದಿನ ವಸ್ತು ತಿಕ್ಕಂಡ್ ಪಂಡ್‌ದ್

ಕುಸೆಲೊಡ್ ಪಾರ್‌ದ್ ಬತ್‌ದರಂಟುವೆರ್

ಬರ ಬತ್ತಿಜ್ಜಾ ಪಣ್ಡ್ ಊರ್ದ ಪೊಣ್ಣುಲು ಪೂರ

ಮುರುಂಟು ಮಲ್ತೊಂದು ಕಾತೊಂದುಲ್ಲೆರ್ ||

ಪುರುಬಾಲೆಳೆಡ್ ಈಯೆ ಪುತ್ತೊಳಿ ಪಂಡ್‌ದ್

ಪದನನಕ ನಿರನಕುಲು ನಿರನಕ ಪತ್ತೊನೆಡ್

ತೂದು ತೂದು ಈ ಎನ್ನ

(ಕಂಡು ಕಂಡು ನೀ ಎನ್ನ)

ರಾಗ- ಮೋಹನ; ಖಂಡಚಾಪುತಾಳ

ತೂದು ತೂದು ಈ ಎನ್ನ ಕೈಬುಡ್ತನಾ ||

ಓ ದಯಾನಿಧಿ ಕೃಷ್ಣ ಮಧುಸೂದನಾ

ಕ್ಷಣವೊಂಜಿ ಯುಗವಾದ್ ಕಣಕೊಡ್ಡ್ ಕಡೆಯಾದ್
ಎಣಿಯೆರಾವಂದಿ ಬದೊಕೊಡ್ ಬೆಯ್ತನೇ ||

ಹಣೆಟ್ ಗೀಟ್‌ನ್ ಪಾಡ್ಡ್ ಬರೆಪಿನಾಯನ ಅಮ್ಮೆ
ಕನಿಕರೊಟು ಪ್ರಹ್ಲಾದನ್ ಕಾತಿ ಕೃಷ್ಣ

ಪೊದ್ದೆರಿಷ್ಟೆರ್ ಇಜ್ಜಿ ಬದ್ಕೆರೆಗ್ ಮನಸಿಜ್ಜಿ
ಕುದ್ಯಕುಚ್ಚಣನಿಂದೆ ಕೇಣ್ಡ್ ಸೋತೆ ||

ಪೆದ್ದಿನಾ ಅಪ್ಪಮ್ಮೆ ಕೂಡುಕಟ್ಟೊಲ ಈಯೆ
ಉದ್ದೊಗೂ ಬೂರ್ದು ನಂಬಿಯೆ ನಿನನೆ ಕೃಷ್ಣ

ನಿನ್ನ ಧ್ಯಾನೋಡು ಯಾನ್

(ನಾನಿನ್ನ ಧ್ಯಾನದೊಳಿರಲು)

ರಾಗ- ಕಾನಡ; ರೂಪಕತಾಳ

ನಿನ್ನ ಧ್ಯಾನೋಡು ಯಾನ್ ಇಷ್ಟಿಪ್ಪೊರ್ತು || ಒರಿನ
ಕಿನ್ನಿ ಬುದ್ಧಿದ ಜನೊ ದಾನೆ ಮಲ್ತೆರ್ ದೇವ

ಮಚ್ಚರಿಪಿನ ಜನೊ ಸೇರ್ದೊ ಮಲ್ತಿನಿ ದಾನೆ
ಅಚ್ಚುತನೊರಿಯನೊ ದಯೆ ಇಪ್ಪೆರೆ ||

ಅಚ್ಚುಮೆಚ್ಚಾದ ಮೋಕೆ ಬುಡಡ ನಂಬಿಯೆ ಕೃಷ್ಣ
ಬೆಚ್ಚೊ ಕೆಂಡೊಗು ಪಿಜಿನ್ ಮುತ್ತೆರೆಗಾವ?

ಧೂಳುಡು ಕುದುರೆ ಸೇಲೆಡ್ ನಲಿನಲಿತ್ಂಡ
ಧೂಳು ಸೂರ್ಯನೊ ಮಿತ್ತ್ತ ಮುಸುಕೆರಾವ? ||
ತಾಳೆದಾಯನ ಎದೊರ್ ಲೋಕೊ ಏಳೇಳುಂಡ?
ಗಾಳಿಗ್ ಗುಡ್ಡೆ ಪಂದರೆಗ್ ಸಾಧನ ದೇವ

ಯಾನ್ ಮಲ್ತಿನ ಕರ್ಮ

(ನಾ ಮಾಡಿದ ಕರ್ಮ)

ರಾಗ- ಸಾವೇರಿ; ತ್ರಿಪುಟತಾಳ

ಯಾನ್ ಮಲ್ತಿನ ಕರ್ಮ ಬಲವಾದಿಪ್ಪುನಗ
ದಾನೆ ಈ ಮಲ್ತುನಿ ದೇವಾ
ತೂನಗ ಸಾಮಾನ್ಯ ಉಂದತ್ತ, ಆ ಬ್ರಹ್ಮ
ಆನಿಯೆ ಬರೆತಿನ ಈ ಹಣೆಬರವುಗು

ಬಿನ್ನೆರನ್ ಲೆತ್ದಾದ್ ಉಣಿಸ್ ಪಾಡ್‌ದಿನಿಜ್ಜಿ
ಪೊಣ್ಣುಲೆನಾ ಮರ್ಲ್ ಮದತ್‌ದಿಜ್ಜಿ ||
ಎಣ್ಣೆಣ್ಣೆದ್ ಮರ್ಲ್ ಮತಿಹೀನೆ ಯಾನಾಯೆ
ಪಣ್ಣ ಸ್ವಾಮೀ ಯೆಂಕ್ ದುಂಬು ದಾನೆ ಗತಿ

ನೂದು ರೀತಿದ ತಿಂಡಿ ತಿನ್ನೆಲೆ ಯಾನಾದ್
ಮೀದ್ ಮಲ್ತಿನ ಪೂಜೆ ನೇಮ ಬುಡ್ಡು ||

ದಾನೆಯ ಮಲ್ತೆ ಯಾನ್

(ನಾನೇನು ಮಾಡಿದನೋ)

ರಾಗ- ಪೋಹನ; ಅಷ್ಟತಾಳ

ದಾನೆಯ ಮಲ್ತೆ ಯಾನ್? | ರಂಗಯ್ಯ |

ಯೀ ನನ ಬುಡಡ ಕೇಣ್

ಮಾನಾಪಮಾನ ಪೂರ ನಿನ್ನೊನೆ ಎನ್ನತ್ತ್

ಬೇನೆ ದೆಪ್ಪನ ತಿರುಪತಿ ಶ್ರೀನಿವಾಸ

ಲೆತ್ತನ ಆನೆರಾಜೆ | ಕಾಗಜಿ ತಿಕ್ಕೊದ್ |

ಬತ್ತನ ದ್ರೌಪದಿನಡೆ ||

ಗೊತ್ತು ನಿಕ್ಕೆಂಚ? ಅಹಲೆಕ್ಕಿನ ಶಾಪೊನು

ದೆತ್ತ್ ಕಾಪಾಡಿಯನೆ | ಕೈ-ಮುಗಿಪೆನೆ

ಆ ಮಹಾ ದೈತ್ಯ ಮಗೆ | ಪ್ರಹ್ಲಾದೆ |

ಸಾಮಾನ್ಯ ಬಾಲೆ ಧ್ರುವೆ ||

ಪಾಮರೆ ಪಾಪಿಷೆ ಆ ಅಜಮಿಳೆ ನಿನ್ನೊ

ಉಂದು ಭಾಗ್ಯ ಉಂದು ಭಾಗ್ಯ

(ಇದು ಭಾಗ್ಯ ಇದು ಭಾಗ್ಯ)

ರಾಗ- ಕಾಂಭೋದಿ; ರುಂಪೆತಾಳ

ಉಂದು ಭಾಗ್ಯ ಉಂದು ಭಾಗ್ಯ ಉಂದು ಭಾಗ್ಯ
ಇಂದಿರಾರಮಣನ ಭಜನೆ ಸುಖಿ ಪಣ್ಣಾ

ಕಲ್ಲಾದ್ ಇಪ್ಪೊಡು ಸಂಸಾರದ ಸುದೆಟ್

ಬಿಲ್ಲಾದ್ ಇಪ್ಪೊಡು ಬಿಸ್ಸರಲ್ಪ ||

ಮೆಲ್ಲೊಡೂ ದೇವರೆನ್ ಮೆಚ್ಚಿಸೋಂದಿಪ್ಪೊಡು

ಬೆಲ್ಲವಾದಿಪ್ಪೊಡು ಬಿನ್ನೆರೆನ ನಡುಟು

ಬುದ್ಧಿಡೇ ಮೆಯ್‌ಮನಸ್ ತಿದ್ದೊಂದು ಇಪ್ಪೊಡು

ಮುದ್ದಾದ್ ಇಪ್ಪೊಡು ತೆರಿನ ಹಿರಿಯೆರೆಗ್ ||

ಮಧ್ಯಮತ ಕಡಲ್‌ಡ್ ಮೀನಾದ್ ಇಪ್ಪೊಡು

ಶುದ್ಧೆ ಆದಿಪ್ಪೊಡು ಮನಸ್ ನಡೆಸುಡಿಟ್

ಆಚಾರ ಇಪ್ಪಂದಿ ನಾಲಯಿ

(ಆಚಾರವಿಲ್ಲದ ನಾಲಿಗೆ)

ರಾಗ- ಮೋಹನ; ಅಪ್ಪತಾಳ

ಆಚಾರ ಇಪ್ಪಂದಿ ನಾಲಯಿ | ನಿನ್ನ
ನೀಚ ಬುದ್ಧಿನ್ ಬುಡು ನಾಲಯಿ ||
ವಿಚಾರ ಇಪ್ಪಂದೆ ಪರನಿಂದೆ ಮಲ್ಬರೆ
ನೋಚೊಂದಿಪ್ಪುನ ನಾಲಯಿ

ಪುಲ್ಕಕಾಂಡೆ ಲಕೊಡ್ ನಾಲಯಿ | ಸಿರಿ
ಉಲ್ಲಯ ಪಂಡ ದಾನೆ ನಾಲಯಿ ||
ಕೆಲ್ಲ್ ಪಾಪೊನು ದೆಪ್ಪಿ ಗೊಲ್ಲಕ್ಕಷ್ಟನ ಪಾದೊ
ಕುಲ್ಲದು ನಿನೆಪ್ಪುಲ ನಾಲಯಿ

ಚಾಡಿ ಪಾತೆರ ಪಣಡ ನಾಲಯಿ | ಕೈ
ಜೋಡೊದು ನಟ್ಟುವೆ ನಾಲಯಿ ||
ನಾಡೊದರಸೆ ಶ್ರೀರಾಮದೇವರೆನ

ನಾರಾಯಣ ಪಣ್ಣರಾವಂದಾ

(ನಾರಾಯಣ ಎನ್ನಬಾರದೆ)

ರಾಗ- ಬಿಲಹರಿ; ಆದಿತಾಳ

ನಾರಾಯಣ ಪಣ್ಣರಾವಂದಾ | ನಿಹಲೆ
ನಾಲಾಯಿಡ್ ಮುಳ್ಳು ನುರಿದಿತ್ತಂಡಾ
ಕಲ್ಲೆ | ದರಿದಿತ್ತಂಡಾ

ದೂರ ಕಾಶಿಗ್ ಪೋದು ಯಾತ್ರೆ ಮಲ್ಪೊಡು ದೇಗ್
ನೀರಗಿಂಡಿನ್ ಪತೊಂದು ಬರೊಡು ದೇಗ್ ||
ಊರೂರು ತಿರುಗುನ ಆ ಕರಕ್ಕರಿ ದೇಗ್
ಬಾರಿ ಕಾರ್ಣಿಕೊ ಉಂದು ಈ ಶ್ರೀಪರಿನಾಮ

ಪತ್ತಿನ ಉಪವಾಸ ಬಡೊವು ಬಾಜೆಲ್ ದೇಗ್
ನಿತ್ತೊ ಚಳಿಕ್ ಸುದೆಟ್ ಮುರ್ಕು ದೇಗ್ ||
ಪತ್ತಾ ಬಿರೆಲ್ ನ್ ಮಡಿತ್ ಮಲ್ಪಿನ ಜಪ ದೇಗ್

ಕರುಣಾಕರ ಯೀ ಪನ್ನನಿ ದಾ

(ಕರುಣಾಕರ ನೀನೆಂಬುವುದ್ಯಾತಕೋ)

ರಾಗ- ಧನ್ಯಾಸಿ; ಆದಿತಾಳ

ಕರುಣಾಕರ ಯೀ ಪನ್ನನಿ ದಾಯೆಗ್
ಭರವಸೆ ಇಜ್ಜೆಂಕ್

ತರತರ ರೀತಿಡ್ ನರಮಾನಿ ಜನುಮೊಡು
ತಿರ್ಗ್ ತಿರ್ಗ್ ಮನ ಕೊರಗುನಿ ತೊಂಡ

ಕರಿಧ್ರುವೆ ಬಲಿ ಪಾಂಚಾಲೆ ಅಹಲೈನ್
ಒರಿತ್ ಕಾಪಾಡ್ಡಿನಿ ಯೀಯೆಗೇ ||

ತೆರಿದ್ ವಿಚಾರ್ತ್ದ್ ತೊಯೆರೆ ಪ್ರೋಂಡ
ಒರಿ ಕಟ್ಟೊದಿನ ಗೇಗೇ ಕತೆ ರಂಗ

ಕರುಣಾಕರ ಯೀ ಅಂದಡ ಬೇಗೊಡೆ
ಒರ ಕಯ್ ಪತ್ತಾದ್ ಕಾಪಾಡ್ ||

ಅಂಬಿಗ ನಿನನೇನ್ ನಂಬಿಂ

(ಅಂಬಿಗ ನಾನಿನ್ನ ನಂಬಿದೆ)

ರಾಗ- ಶಂಕರಾಭರಣ; ಅಷ್ಟತಾಳ

ಅಂಬಿಗಾ ನಿನನೇನ್ ನಂಬಿಯೆ | ಜಗ
ದಂಬಾರಮಣ ನಿನ್ನನ್ ನಂಬಿಯೆ

ತುಂಬುಂಡು ಈ ದೋಣಿ ಅಂಬಿಗ | ಐಕ್
ಒಂಬ ಕಡೆ ಒಟ್ಟೆ ಅಂಬಿಗ ||
ಸಂಭ್ರಮೋಡೇ ತೂಲಂಬಿಗ | ಪಿರ
ದುಂಬು ತೂದು ಪೋಲಂಬಿಗ

ಆಜಿ ತೆರೆನ್ ತೂಲ ಅಂಬಿಗ | ಅವು
ಬೀಜೊಂದು ಬರೊಂದುಂಡು ಅಂಬಿಗ ||
ಈ ಜನೊಡ್ಡಾವಂದ್ ಅಂಬಿಗ | ಈಯೆ
ಈಜೊದು ದಾಂಟಲ ಅಂಬಿಗ

ಈ ತರತ ಪೋರ್ಲು

(ಈ ಪರಿಯ ಸೊಬಗಾವ)

ರಾಗ- ಕಾಂಭೋದಿ; ರುಂಪತಾಳ

ಈ ತರತ ಪೋರ್ಲು ವಾ ದೇವೆರೆಡ ತೂವಯಿನೆ
ಪೂತನಿನ್ ಕೆರಿನಂಚಿ ಗೋಪಾಲಗತ್ತಂದೆ

ಹಿರಿತನೊಟು ತೂಂಡ ನಮ ಆ ಬೆರ್ಮೆರೆನ ಅಮ್ಮೆ
ಸಿರಿತನೊಟು ತೂಂಡ ಲಕ್ಷ್ಮಿನ ಕಂಡನೆ ||

ಗುರಿಕಾರ್ಮೆಡ್ ತೂಂಡ ಭೂಮಿದೇವಿಗ್ ಅರಸೆ
ಗುರುತನೊಟು ತೂಂಡ ಈ ಲೋಕೋಗಾದಿಗುರು

ಮಡಿತನೊಟು ತೂಂಡ ಗಂಗೆನ ಅಮ್ಮೆ ದೈವಗುಣ
ಕುಡ ತೂಂಡ ದೇವತೆಲೆ ದೇವೆರಿಂಬೆ ||

ಕಡೆಕ್ ರೂಪೊಡು ತೂಂಡ ಲೋಕೋಡಾಯಿನೆ ಪೋ
ಲಡಯಿಡ್ ತೂಂಡ ರಕ್ಕಸೆರೆ ವೈರಿ

ಬಿನ್ನಯೋಗು ಬಾಯಿಜ್ಜಿ

(ಬಿನ್ನಹಕೆ ಬಾಯಿಲ್ಲ)

ರಾಗ- ಕಾಂಭೋದಿ; ರುಂಪತಾಳ

ಬಿನ್ನಯೋಗು ಬಾಯಿಜ್ಜಿ ಅಣ್ಣ ||

ಅನ್ಯಾಯ ಅಪರಾಧ ಇಪ್ಪುನಗ ಎನ್ನ

ನೆಲಮೋಕೆ ಪಶುಮೋಕೆ ಪೊದ್ದೆರಿಷ್ಟೆರೆ ಮೋಕೆ

ಪಲಯೆ ಮೆಗ್ಗನ ಮೋಕೆ ಧಣಿನ ಮೋಕೆ ||

ತೆಲಿಪಿ ಜೋಕುಲು ಬುಡೆದಿ ಅಪ್ಪೆಮ್ಮನಾ ಮೋಕೆ

ಕುಲೆಪಿಶಾಚಿಲೆ ವೈರಿ ಮದತೆನೇ ಕಾಪು

ನುಪ್ಪುಮದ ದುಡ್ಡುಮದ ಗತ್ತಾಗೌರವೊದ ಮದ

ಒಪ್ಪಿ ಜವನಾದಿಗದ ರೂಪ ಮದೊಟು ||

ಇಪ್ಪಿ ತಾಕತ್ತ ಮದ ಬೆನ್ನಿಬಂಗಾರ್ ಮದ

ಇಪ್ಪೆರೇರೆಂಕೆದ್ವಾರ್? ಪನ್ನಿಂಚಿ ಮದೊಟು

ಆತ್ ತಿಕ್ಕಂಡ ನನ ಈತ್ ಪಡೆವನ ಆಸೆ

ಮಾತೆನ್ನಾ ತೆರಿದೆ ಪನ್ನರತ್ತ (ಎಲ್ಲಾನು ಬಲ್ಲೆನೆಂಬುವಿರಲ್ಲ)

ರಾಗ- ಮಧ್ಯಮಾವತಿ; ಆದಿತಾಳ

ಮಾತೆನ್ನಾ ತೆರಿದೆ ಪನ್ನರತ್ತ | ಅವಗುಣ ಬುಡಿಜರತ್ತ |
ಮಾತೆನ್ನ ತೆರಿದೆ ಪನ್ನರತ್ತ ||

ಪಾತೆರ ಪಾತೆರ ನಡು ಶರಣೆರೆ ನುಡಿ
ಪಾತೆರೊಂದಿತ್ತಾದ್ ಬೇತೆನೆ ನಡವ್ವರೆ || ಅ.

ಕಾವಿನ್ ತುತುದು ತಿರುಗುವರತ್ತ | ಕಾಮ ಬುಡಿಜರತ್ತ |
ಸೇವೆ ಪೂಜೆ ಮಡಿ ಮಲ್ಪುವರತ್ತ | ಕೋಪ ಬುಡಿಜರತ್ತ |
ತೂವೆರೆ ಪೋಂಡ ಒಂತೆಲ ತೆರಿಯಂದೆ
ಸಾವುದ ಹೊಂಡೊಗು ಬೂರುವರತ್ತ ||

ಗುರುಕುಲೆ ಸೇವೆನ್ ಮಲ್ಪುವರತ್ತ | ಗುರುತಾಯಿಜ್ಯತ್ತ ||
ಪುರಾಣ ಶಾಸ್ತ್ರೊನು ಓದುವರತ್ತ | ಬೊರು ಕೊಚ್ಚುವರತ್ತ

ಎಂಚ ಮಲ್ಕೊಲಿ ಪೂಜೆ

(ಹೇಗೆ ಅರ್ಚಿಸಲಿ)

ರಾಗ- ಶಂಕರಾಭರಣ; ತ್ರಿವುಡತಾಳ

ಎಂಚ ಮಲ್ಕೊಲಿ ಪೂಜೆ ಸೇವೆ ನಿಕ್ಕೊ
ಪುಂಚದುಚ್ಚುಡು ಜೆಯ್ಡಿ ಪುರುಷೋತ್ತಮ

ಪೂವೊಂಜಿ ಕೊಣತ್‌ದ್ ಕೊರ್ಪೆ ಪಂಡೆಣ್ಣೊಂಡ
ಪೂವೊಳುಡೇ ಪೂವು ಪುಟುದುಂಡುದೆ ||

ದೇವೆರೆನಕುಲು ಮುಪ್ಪತ್ತಮೂಜಿ ಕೋಟಿ
ನೈವೇದ್ಯ ಕೊಣನಗ ಗಂಜಿ ಬೋಡಾ?

ಬೀಸಣೆಗೆನ್ ಕೊಣದ್ ಬೀಸುವೆ ಪಂಡೊಂಡ
ಬೀಸೊಂದುಲ್ಲೆ ಅಲ್ಪ ಪಕ್ಕಿರಾಯೆ ||

ಹಾಸಿಗೆನ್ ಕೊಣದ್ ಹಾಸುವೆ ಪಂಡೊಂಡ
ಸೇಸನ ಮಿತ್ತಾ ಈ ಜೆಯ್ಡು ದೇವಾ

ತಡೆಯಿ ಪೊತ್ತದ್ ದೀಪೆ ಪಂಡ ಕೋಟಿ ಸೂರ್ಯ

ದಾಸನೇನನ್ ಮಲ್ತೊಣ್ಣ

(ದಾಸನ ಮಾಡಿಕೋ ಎನ್ನ)

ರಾಗ- ನಾದನಾಮಕ್ರಿಯೆ; ಆದಿತಾಳ

ದಾಸನೇನನ್ ಮಲ್ತೊಣ್ಣ | ಸ್ವಾಮಿ
ಸಾಸಿರ ಪುದರ್‌ದ ವೆಂಕಟರಮಣ

ದುರುಬುದ್ಧಿಲೆನ್ ಪೂರ ಬುಡುಪೊ || ನಿನ್ನೊ
ಕರುಣೆಕವಚಯೆನ್ನೊ ಮೆಯಿಮಿತ್ತಾ ಪುದೆಪೊ ||
ಚರಣಸೇವೆ ಯೆಂಕ್ ಕೊರುಪೊ || ಅಭಯ
ಸಿರಿ ಪಿಂಗಾರೊನು ತರೆಮಿತ್ತಾ ಮುಡಿಪೊ

ದೃಢಭಕ್ತಿನೆ ನಿನಡ ಕೇಣ್ಡಾ | ಕಾ
ರಡಿಕ್ ಬೂರುವೆ ಸ್ವಾಮಿ ಕೀರ್ತನೆ ಪಂಡ್ಡಾ ||
ಕಡೆಕಣ್ಣಾಡ್ ಒರ ತೂದು | ಸ್ವಾಮಿ
ಬುಡುಕೊರು ಭಾಗ್ಯೊನು ಮೋಕೆನ್ ದೀದ್

ತರೆಬಗಿ ಜನಕಾಪಿ ಬಿರುದು | ಎನನ್

ಎರ್ ಹಿತೆರ್ ನಿಕ್ಕ್

(ಆರು ಹಿತವರು ನಿನಗೆ)

ರಾಗ- ಮುಖಾರಿ; ರುಂಪೆತಾಳ

ಎರ್ ಹಿತೆರ್ ನಿಕ್ಕ್ ಈ ಮೂಜಿ ಜನೊಟು?
ನಾರಿಯಾ? ಭೂಮಿಯಾ? ಬಂಗಾರ್ ಸಿರಿಯಾ?

ಅನ್ನೆರೆಗ್ ಪುಟ್ಟಿದಿನ ಪೊಣ್ಣು ಮಗಳೆನ್ ಕೊಣದ್
ನಿನ್ನೊ ಇಲ್ಲಗ್ ಆಲೆ ಯಜಮಾನ್ನಿ ಪಣ್ಡ್ |
ಭಿನ್ನೊ ಇಪ್ಪಂದೆ ಅರ್ಧಾಂಗಿ ಪನ್ನಿನ ಬುಡೆತಿ
ಕಣ್ಣೊದಾ ಕೊಡೆಟ್ ತೂವರೆಗ್ ಬರ್ಪುಜೊಲು

ದುಂಬು ಸಾವಿರ ಕೊಟಿ ರಾಜೆರಾಳಿನ ನೆಲನ್
ಇಂಬ್ಯಗೇ ಪಂಡ್ ಶಾಸನೊಟು ಬರೆದ್ ||

ಕಂಬೊ ಕಂಬೊದ ಇಲ್ಲ ಕಟ್ ದ್ ಸೈತಿನ ಬೊಕ್ಕ
ಅಂಬಲಡ್ ಪುಣದೀದ್ ಪಿದಯಿ ಪಾಡುವೆರ್

ಉದ್ಯೋಗ ವ್ಯಾಪಾರ ಮೋಸ ವಂಚನೆ ಬಲೆಟ್

ಭಾಗ್ಯೋದ ಲಕ್ಷ್ಮಿ ಬಲ್ಲಮ್ಮ

(ಭಾಗ್ಯೋದ ಲಕ್ಷ್ಮಿ ಚಾರಿತ್ರ)

ರಾಗ- ಮಧ್ಯಮಾವತಿ; ಆದಿತಾಳ

ಭಾಗ್ಯೋದ ಲಕ್ಷ್ಮಿ ಬಲ್ಲಮ್ಮ || ಎನ್ನಮ್ಮ ಸೌ-
ಭಾಗ್ಯೋದ ಲಕ್ಷ್ಮಿ ಬಲ್ಲಮ್ಮ

ಪಜ್ಜೆದ ಮಿತ್ತ ಪಜ್ಜೆನ್ ದೀದ್
ಗೆಜ್ಜೆದ ಕಾರ್ದ ಶಬ್ಬೊನು ಬೀದ್
ಸಜ್ಜನೆರೆದುಕುನ ಪೂಜೆದ ಪೂರ್ತುಡು
ಸಜ್ಜಿಡ್ ಬೆಂಜಣ ಬೊಳ್ಳೆಯಿ ಲೆಕ್ಕೊ

ಪಣವುದ ಬಸೊನು ದೊರಿತೊಂದು ಬಲ್ಲ
ಮನಸೊಗ್ ಶಾಂತಿದ ಸೌಖ್ಯೊನು ಕೊರ್ಲ
ದಿನಮಣಿ ಕೊಟಿ ಪ್ರಕಾಶೊಡು ತೆಲ್ಪುನ
ಜನಕ ಮಾರಾಜೆರೆ ಮಗಲೇ ಬಲ್ಲಾ

ಅಂಬೆಂಚಿ ಅಲುಗಂದೆ ಭಕ್ತೆರೆ ಇಲ್ಲಡ್
ಪಂಚಮಿ ಅಷಮಿ ನೂರ್ನಮಿ ಉತ್ತವ

ದಾಯೆಗ್ ನನ ಯಮ ಬ

(ಇನ್ನೇಕೆ ಯಮನ ಬಾಧೆಗಳು)

ರಾಗ- ಆನಂದಭೈರವಿ; ಚಾಪುತಾಳ

ದಾಯೆಗ್ ನನ ಯಮ ಬಾಧೆ | ನಾ-
ಲಾಯಿಡ್ ಹರಿನಾಮ ಸ್ಮರಣೆ ಉಂತಾದೆ

ಪತಿತಪಾವನ ಪಣ್ಣೆ ನಾಮ | ಅತಿ-

ಹಿತೊಟು ಆ ಋಷಿಕುಲು ಸ್ತುತಿಮಲ್ಪಿ ನಾಮ ||

ಕ್ರತುಕೋಟಿ ಫಲಕೋರ್ಪಿ ನಾಮ || ಎಡ್ಡೆ-

ಗತಿಕ್ ಸಾಧನ ಆಪಿ ಶ್ರೀಹರಿನಾಮ

ಭಕ್ತೆಪ್ರಹಲ್ಲಾದೆ ಸಾಕ್ಷಿ | ಪೊಣ್ಣು-

ಪ್ರತ್ನೊಳಿಯಾಯಿನ ದ್ರೌಪದಿ ಸಾಕ್ಷಿ ||

ಲೆತ್ತಿನ ಅಜಮಿಳೆ ಸಾಕ್ಷಿ | ಬಾನ-

ಮಿತ್ತ್ ಕುಲ್ದಿನ ಬಾಲೆ ಧ್ರುವರಾಯೆ ಸಾಕ್ಷಿ

ಅಪರಾಧಿ ಯಾನತ್ತ್ ಅಪರಾಧ

(ಅಪರಾಧಿ ನಾನಲ್ಲ, ಅಪರಾಧವೆನಗಿಲ್ಲ)

ರಾಗ- ಪೀಲು; ಚಾಪುತಾಳ

ಅಪರಾಧಿ ಯಾನತ್ತ್ ಅಪರಾಧ ಎನ್ನತ್ತ್
ಕಪಟನಾಟಕಸೂತ್ರಧಾರಿ ಯೀಯೆ

ಈ ನೆಟ್ತ್ ಗೊಬ್ಬಿಜಡ ಉಜ್ಜೆರಾದ ಜಡಬೊಂಬೆ
ದಾನೆ ಮಲ್ತೆರೆ ಸಾಧ್ಯ ಆವು ಬೇತೆ?

ಈ ನೆಯ್ತಿ ಸೂತ್ರೋಡೇ ಪಂದುಂಡು ಕೈಕಾರ್
ಈ ನೋಂತಿಗನೆ ಉಂತುವೀ ದೇಹೊತಾಯೆ

ಒಂಜೆಣ್ಣಿ ಬಾಕಿಲ್ದ ಪಟ್ಟಣೊನು ಕಾಪೆರೆಗ್
ಜಿಂಜ ಇರುವತ್ತಾಜಿ ಬೇಲೆದಕುಲು |

ದಿಂಜೊದುಲಯಿ ದೀತ, ಕೊರಿನ ಕಷ್ಟೊನು ಮಾತ
ಮಿಂಜೈಸೆರಾವಂದ್ ಉಂದು ಸರಿಯೆ?

ಮೂರುತಿನ್ ಉಂತಾಲ

(ಮೂರುತಿಯನು ನಿಲ್ಲಿಸೋ)

ರಾಗ- ಕಮಾಚ್; ಆದಿತಾಳ

ಮೂರುತಿನ್ ಉಂತಾಲ

ಮಾಧವ ನಿನ್ನ

ಮೂರುತಿನ್ ಉಂತಾಲ

ಚಿಗುರು ತೊಳಸಿಕೊಡಿ

ಮಾಲೆ ಕಂಟೆಲ್ಡ್ ।

ಝಗಝಗ ಪೀತಾಂ-

ಬರ ತುತ್ತಿ ನಿನ್ನ

ಮುತ್ತುದೊ ಸರ ನವ

ರತ್ನದುಂಗಿಲ ದೀದ್ ।

ಒತ್ತೊಂದು ಲಕ್ಷ್ಮೀದೇವಿ

ತಾದಿನ್ ತೋಜಾ ಮುಕು

(ದಾರಿಯ ತೋರೋ ಮುಕುಂದ)

ರಾಗ- ಪೂರ್ವಿ; ಏಕತಾಳ

ತಾದಿನ್ ತೋಜಾ ಮುಕುಂದ

ಆದಿನಾರಾಯಣ ಗೋಪಿಂದ

ಬತ್ತೆ ನಾನಾ ಜನ್ಮೊಡು | ಕಷ್ಟ

ಸುತ್ತುದ್ ತಿಕ್ಕಿಯೆ ಬಂಧನೊಡು ||

ಮಿತ್ತಾಗತಿ ಒವ್ವಣ್ಣ | ಸ್ವಾಮಿ

ಇತ್ತೆ ತಾದಿ ತೋಜಾ ಇಂದಿರಾರಮಣ

ಉರ್ಕರ್ದ್ ಬರ್ಪಿ ತುದೆಟ್ | ಯಾನ್

ತಿಕ್ಕದ್ ಬೂರಿಯೆ ನಡುಟು ||

ಬೊಕ್ಕ ದಯೆ ಇಜ್ಜಿ ನಿಕ್ಕ | ಸ್ವಾಮಿ

ಪಕ್ಕ ಬತ್ತದೆನ್ನ ಕಾಪು ಕೈಪತ್ತ

ನಿನ್ನನ್ ಬುಡುದೀ ಜಗೊಟು | ಪಣರೆ

ವನ ಏರುಳೆಗ್? ದಂಗೆಟು ||

ಕೊಣಲಕ್ಕ ಕೊಡಪಾನ

(ತಾರಕ್ಕ ಬಿಂದಿಗೆಯಾ)

ರಾಗ- ಸೌರಾಷ್ಟ್ರ; ಚಾಪುತಾಳ

ಕೊಣಲಕ್ಕ ಕೊಡಪಾನ ||

ಯಾನ್ ನೀರ್‌ಗ್ ಪೋಪೆ

ಕೊಣಲಾ ಕೊಡಪಾನ

ಕೊಡಪಾನ ಉಡೆಂಡ ಪೊಡಿಕಾಸ್ ಪೋವಡ್

ಕೊಣಲಾ ಕೊಡಪಾನ

ರಾಮನಾಮ ಪನ್ನಿ ರಸ ಇಪ್ಪಿ ನೀರ್‌ಗ್

ಕೊಣಲಾ ಕೊಡಪಾನ ||

ಸೋಮಕ್ಕನಕುಲೆಡ ಪಾತೆರಯೆ ಗುಣುಗುಣು

ಕೊಣಲಾ ಕೊಡಪಾನ

ಗೋವಿಂದ ಪನ್ನಿನ ಗುಣ ಇಪ್ಪಿ ನೀರ್‌ಗ್

ತಾಳ ಬೋಡು ತಕ್ಕ ಮೇಳ ಬೆ (ತಾಳಬೇಕು ತಕ್ಕ ಮೇಳ ಬೇಕು)

ರಾಗ- ಮಧ್ಯಮಾವತಿ; ಅಷ್ಟತಾಳ

ತಾಳ ಬೋಡು | ತಕ್ಕ | ಮೇಳ ಬೋಡು

ಶಾಂತ-ವೇಳ್ಕೆ ಬೋಡು ಗಾನೊನೂ ಕೇಣೊಡುನ್ನಿನ
|

ಯತಿಪ್ರಾಸೋಲು ಬೋಡು

ಗತಿಕ್ ಉಂತರೆ ಬೋಡು ||

ರತಿದೇವಿ ಮಾಮಡ

ಅತಿಮೋಕೆ ಇಪ್ಪೊಡು

ಸ್ವರ ಶುದ್ಧ ಇಪ್ಪೊಡು

ತೆರಿಯೊಂದು ಪಣೊಡು

ಕರಕ್ಕರಿ ಬುಡೊಡು

ಪೊರೋಣಾಡ್ ಕೋಜೊಡು

ಏರೆಗ್ ಏರುಂಡು?

(ಯಾರಿಗೆ ಯಾರುಂಟು)

ರಾಗ- ಬಲಹರಿ; ಅಷ್ಟತಾಳ

ಏರೆಗ್ ಏರುಂಡು ಕಡಮಲ್ಲಿ ಸಂಸಾರ
ನೀರ ಮಿತ್ತಾದ ಗುಳ್ಳೆ ನಿಜವತ್ತ್ ಹರಿಯೆ

ಬಾಜೆಲಾಂಡ್ ಪಂಡ್ ಗುಯೆಲ್ದಡೆ ಪೋಯೆ
ಆಜಿದೊಸರ್ ಪಸೆ ಇಜ್ಜಾಂಡ್ ಹರಿಯೆ

ದೊಂಬು ಗಾಳಿ ಪಂಡ್ ಮರತ ನಿರೆಳ್ಗ್ ಪೋಯೆ
ಕುಂಬಾದ್ ಮರ ತರೆತ ಮಿತ್ತ್ ಬೂರುಂಡು ಹರಿಂ

ಕಟ್ಚದ್ ಕಾಡ್ಡೆಲ್ಲ್ ತೊಟ್ಟಿಲ್ ಗೆಲ್ಲಗ್ ದೀಯೆ
ತೊಟ್ಟಿಲ್ದಾ ಬಾಲೆ ಮಾಯ ಆಂಡ್ ಹರಿಯೆ

ಪದ್ರಾಡ್ ವರ್ಸೊಗು ತಂಗಡೆಲ್ಲಗ್ ಪೋಯೆ

ದಯ ಮಲ್ಪು ರಂಗ (ದಯ ಮಾಡೋ ರಂಗ)

ರಾಗ- ಮಧ್ಯಮಾವತಿ; ಆದಿತಾಳ

ದಯ ಮಲ್ಪು | ರಂಗ | ದಯ ಮಲ್ಪು ||

ದಯ ಮಲ್ಪು ನಿನ್ನ ದಾಸೆ ಯಾನ್ ಪಣ್ಡೆ

ದುಂಬುಡುದೇ ನಿನ್ನ

ಹಂಬಲ ಯೆಂಕ್ ||

ಇಂಬು ಕೊರ್ದು ಕಾಪು

ಅಂಬುಜನಾಭ

ಇಹಪರಗತಿ ಈಯೆ

ಇಂದಿರಾರಮಣ ||

ಸಹಾಯ ಏಪಲ ನಿನ್ನ

ತೋಜಲ ಕರುಣ

ಕೇಂಡೆ ನಿನ್ನ ಸುದ್ದಿ (ಕೇಳಿದೆ ನಿನ್ನ ಸುದ್ದಿ)

ರಾಗ- ಶಂಕರಾಭರಣ; ಅಷ್ಟತಾಳ

ಕೇಂಡೆ ನಿನ್ನ ಸುದ್ದಿ

ನೀರ್‌ಡ್ ಮುರ್ಕುದಗೆ | ಮಲ್ಲ
ಭಾರಿ ಗುಡ್ಡೆನ್ ಈ ದೆರ್ತದಗೆ || ಕಂಡೆ
ಬೇರ್ ಕಿರೆಂಗ್ ಮುಕ್ಕುದಗೆ | ಆಹಾ
ಪೇರ್‌ಪರ್ಪಿ ಬಾಲೆದ ಪಾತೆರ ಕೇಣೊಂದು
ಘೋರ ರಕ್ಕಸನ್ ಸಂದಾರ ಮಲ್ತದಗೆ

ಪೊಣ್ಣೊವುನೊರ್ತಿನ್ ಕಾತ್‌ದಗೆ | ಪೆದ್ದಿ
ಪೊಣ್ಣೊವುನೇ ಈ ಕಡ್ತದಗೆ || ನಿನ್ನೊ
ಪೊಣ್ಣೊವುಕಳ್ಳನ್ ಕೆರಿಯಗೆ || ಆಹಾ
ಪೊಣ್ಣೊವುಲೆನ್ ಮರ್ಲ್ ಮಲ್ತದ್ ಊರುಡು

ಮಾಡ್ ತಿಕ್ಕಿಜತ್ತ (ಮಾಡು ಸಿಕ್ಕದಲ್ಲ)

ರಾಗ- ಪಂತುವರಾಳಿ; ಆದಿತಾಳ

ಮಾಡ್ ತಿಕ್ಕಿಜತ್ತ | ಮಾಡ್‌ದ

ಗೂಡು ತಿಕ್ಕಿಜತ್ತ

ಜೋಡಿ ಬುಡೆದ್ಯಡ್ಲು | ಪೋಡಿದ್ ಪಾನಗ |

ಗೋಡೆ ಬೂರ್ದು ಬಯಲಾಂಡತ್ತ

ವಿಚ್ಚರ ಆಯಿಜತ್ತ | ಮಲ್‌

ಹೆಚ್ಚಿಗೆ ಆಂಡತ್ತ ||

ಅಚ್ಚಿದುಲಯಿ ಮೆಚ್ಚ್ಚೆ | ಮೆಚ್ಚಿದುಲಯಿ ಅಚ್ಚ್ಚೆ

ಕಿಚ್ಚೆ ಲಕೊದ್ ಪೋಂಡತ್ತ

ಮುಪ್ಪು ಬತ್ತಂಡತ್ತ | ಪಾಯಸೋ

ತಪ್ಪಂದೆ ಉಂಡ್‌ಜತ್ತ ||

ಗುರುನ ಗುಲಾಮೆ ಆಯಿನ ವ

(ಗುರುವಿನ ಗುಲಾಮನಾಗುವ ತನಕ)

ರಾಗ- ನಾದನಾಮುಕ್ತಿಯೆ; ಆದಿತಾಳ

ಗುರುನ ಗುಲಾಮೆ ಆಯಿನ ಮುಟ್ಟ

ಬರಂದಣ್ಣ ಮುಕ್ತಿ ||

ಪರಿಪರಿ ಶಾಸ್ತ್ರನು ಓದುಂಡ ದಾನೆ

ವ್ಯರ್ಥ ಆಂಡ್ ಭಕ್ತಿ

ಆಜಿ ಶಾಸ್ತ್ರನು ಓದೊಂಡ ಇಜ್ಜಿ

ಮೂಜಾಜಿ ಪುರಾಣ ಮುಗಿತೊಂಡ ಇಜ್ಜಿ

ಸಾಜ ನ್ಯಾಯಕತೆ ಕೇಣೊಂಡ ಇಜ್ಜಿ

ರಾಜೆರೆ ಲೆಕ್ಕೊ ಪಂಡಲ ಇಜ್ಜಿ

ಸರ ಕಂಟೆಲ್‌ಗ್ ಪಾಡೊಂಡ ಇಜ್ಜಿ

ಬಿರೆಲ್‌ಡ್ ಜಪಮಣಿ ಗೆಣಿತೊಂಡ ಇಜ್ಜಿ

ಆದಿನೂಡಿನೆ ಲೆಕ್ಕೊ ದೇಣೊಂದು ಬಿಂದಿನ್

ರಾಮ ಪನ್ನಿನ ರಡ್ಡ್ ಅಕ್ಷರೊದ ಕಾ

(ರಾಮ ಎಂಬುವ ಎರಡು ಅಕ್ಷರದ ಮಹಿಮೆ)

ರಾಗ- ಕಾಂಭೋದಿ; ರುಂಪೆತಾಳ

ರಾಮ ಪನ್ನಿನ ರಡ್ಡ್ ಅಕ್ಷರೊದ ಕಾರ್ನಿಕನ್
ಪಾಮರೆರ್ ಅಕುಲೆಂಚ ತೆರಿವೆರಪ್ಪ

ರಾ ಪಂಡಿ ಮಾತ್ರೊಡೆ ಮಾಸನೆತ್ತೆರ್‌ದುಲಯಿ
ರಾಪಿನಂಚಿನ ಮಲ್ಲ ರಾಶಿರಾಶಿ ||

ಪಾಪ ಮಾಜವೊದು ಮಾರಾಯೆ ಮುಕ್ತಿನ ಕೊರುವೆ
ಈ ಪದೊನು ವಾಲ್ಮೀಕಿ ಮುನಿ ಒರಿಯೆ ತೆರಿದೆ

ಬೊಕ್ಕ ಮಾ ಪಂಡಿಗನೆ ಪಿದಯಿ ಬತ್ತಿನ ಪಾಪ
ಒಕ್ಕುದುಲಯಿ ಪೊಗಂದಿ ಲೆಕ್ಕೊ ಕೀಲಾದ್ |
ಪಕ್ಕ ಮೆಯ್‌ಮನಸ್‌ನ್ ಪವಿತ್ರ ಮಲ್ಪಿನ ಕ್ರಮೊನು
ಭಕ್ತೆಯಾಯಿನ ಹನೂಮಂತೆ ಒರಿ ತೆರಿದೆ

ಹರಿನಾಪೊಗು ಜಗೊಟ್ಟು ಪರಿಮಿಗಿಲ್ ಇಜಿಂಧ್

ತೂಂಡು ಕರುಣಾನಿಧಿನ್

(ಕಂಡೆ ಕರುಣಾನಿಧಿಯು)

ರಾಗ- ನಾದನಾಮಕ್ರಿಯೆ; ಆದಿತಾಳ

ತೂಂಡು ಕರುಣಾನಿಧಿನ್ | ಗಂಗೆನ್

ಮಂಡೆಡ್ ಧರಿತಿ ಧನಿನ್ ||

ರುಂಡಮಾಲೆ ಸಿರಿನ್ | ನಿಸೆಲ್ಡ್

ಕೆಂಡಗಣ್ಣ್ ಬಗೆನ್

ಗಜಚರ್ಮಾಂಬರನ್ | ನಂದೀ | ಧ್ವಜ ಜಗದೀಶ್ವರನ್

ತ್ರಿಜಗಮೋಡಿದಯನ್ | ದಕ್ಷನೊ

ಯಜನ ಕೆಡೆಸಿನಯನ್

ಭಸುಮ ಪೂಜಿನಯನ್ | ಭಕ್ತರೆ | ವಶೊಟು ಇಪ್ಪುನಂ

ಪಶುಪತಿ ಪಣ್ಬಿನಯನ್ | ಭೂಮಿಡ್

ಶಶಿಶೇಖರ ಶಿವನ್

ಕೊರು ಬೇಗ ಎಡ್ಡೆ ಮತಿ

(ಕೊಡು ಬೇಗ ದಿವ್ಯಮತಿ)

ರಾಗ- ವಸಂತ; ಆದಿತಾಳ

ಕೊರು ಬೇಗ ಎಡ್ಡೆ ಮತಿ | ಸರಸ್ವತಿ

ಕೊರು ಬೇಗ ಎಡ್ಡೆ ಮತಿ

ಹರದೇವೇಂದ್ರರೆ ಗುಂಪುಗು ಗುರಿಕಾರ್ತಿ

ತರೆ ಬಗ್ಗವೆ ಅಮ್ಮ ಬ್ರಹ್ಮದೇವರೆ ರಾಣಿ

ಮಲ್ಲ ಮೆರ್ಮಲ್ ಈಯೆ ಇಂದಿರೆನರಸಗ್

ಬಲ್ಲ ನಾಲಯಿಡುಂತು ಹರಿನಾಮ ನುಡಿಪಾ

ಅಖಿಳವಿದ್ಯಾಭಿಮಾನಿ ಅಜನ ಪಟ್ಟೊದ ರಾಣಿ

ಸುಖಿ ಕೊರ್ದು ಕಾಪುಲ ಸುಜನಶಿರೋಮಣಿ

ಪತಿತಪಾವನೆ ಈಯೆ ಗತಿಪಣ್ಡಾ ನಂಬಿಯೆ

ಸತತ ಪುರಂದರ ವಿಠಲನ್ ತೋಜಾ

ಪಾಲಿಪಮ್ಮ ಮುದ್ದು ಶಾರದಾ (ಪಾಲಿಪಮ್ಮ ಮುದ್ದು ಶಾರದೆ)

ರಾಗ- ಮುಖಾರಿ; ಆದಿತಾಳ

ಪಾಲಿಪಮ್ಮ ಮುದ್ದು ಶಾರದಾ | ಎನ್ನ
ನಾಲಯಿಡ್ ಉಂತರಾವಂದಾ?

ಲೋಲನಯನೆ ಅನುಗಾಲೊ ನಂಬಿಯೆ ನಿನ್ನ

ಅಕ್ಷರಕ್ಷರ ವಿವೇಕೊನ್ | ನಿನ್ನೊ

ಕುಕ್ಕಿಡೀರೇಳ್ ಲೋಕೊನ್ ||

ಸಾಕ್ಷಾದ್ರೂಪೊಡು ಒಲಿದ್ ಕಾಪಾಡಪ್ಪೆ

ಶೃಂಗೇರಿ ಪುರವಾಸಿನಿ | ದೇವಿ

ಸಂಗೀತ ಗಾನವಿಲಾಸಿನಿ ||

ಮಂಗಳಮಯೆ ಮಾಯೆ ಬಲ್ಲ ಬ್ರಹ್ಮನ ರಾಣಿ

ರಾಮ ರಾಮಾ ಪಣ್ಣೆಯ

(ರಾಮ ರಾಮೆನ್ನಿರೋ)

ರಾಗ- ಸೌರಾಷ್ಟ್ರ; ಅಷ್ಟತಾಳ

ರಾಮ ರಾಮಾ ಪಣ್ಣೆಯಾ ||

ನರಜನ್ಮ ಸ್ಥಿರ ಅತ್ತೆ |

ರಾಮ ರಾಮಾ ಪಣ್ಣೆಯಾ

ಇಂಚಿ- ಕೋಮಲಾಂಗನ ನಾಮ

ಆ ಮಿತ್ತಗೊದಗಂದ್

ವರೆಗೇರ್ಲ ಇಜ್ಜಿ ತಂಕ್ ತಾನತ್ತಂದೆ |

ರಾಮ ರಾಮಾ ||

ತನ್ನೊ- ಧಾರೆದ ಬುಡೆತಿ ಒಂಜೀತ್ಲ ಬರಯೊಲ

ರಾಮ ರಾಮಾ

ಮೋಕೆಡ್ ಸಾಂಕಿನ ಜೋಕ್ಕು ತನ್ನಕುಲತ್ತ್ |

ನಂಬಡ ಈ ದೇಹ ನಿತ್ಯೋ ಅ (ನಂಬದಿರು ಈ ದೇಹ ನಿತ್ಯವಲ್ಲ)

ರಾಗ- ಮಧ್ಯಮಾವತಿ; ರುಂಪೆತಾಳ

ನಂಬಡಾ ಈ ದೇಹ ನಿತ್ಯೋ ಅತ್ತಾ |
ಅಂಬುಜಾಕ್ಷನ್ ನಿನೆತ್ ಸುಖಿಯಾಲ ಮನಸೇ
ಎಲುಮಾಂಸ ನೆತ್ತೆರ್‌ದ ಮಿತ್ತ ಚರ್ಮದ ಪುದೆಪು
ಉಲಯಿ ಪೀಪಟಿಕೆ ಪುರಿ ರಾಶಿ ಉಂಡು |
ಕಲಸೆರೋಗದ ಬೂಡ್ ಪಂಚಭೂತೊದ ನಾಡ್
ಬಲೊತ ದೇಹೊನು ನಂಬುದೀ ಕೆಡಡ ಮನಸೇ
ಸತಿಸುತೆರ್ ಹಿತೆರ್‌ಂದ್ ಮತಿಮದತ್ ಮೋಕೆಡ್
ಅತಿ ಆಸೆ ಮಲ್ತ್ ದುರ್ವಿಷಯ ಮೆರೆದ್ |
ಸತತ ಲಕ್ಷ್ಮೀಪತಿಕ್ ಬಗ್ಗಂದೆ ಇಹಪರೊತ
ಗತಿಶೂನ್ಯೆಯಾದ್ ಹಾಳಾವೊಡ್ಡಿ ಮನಸೇ

ದಾನೆ ಬರೆಯಾ ಬ್ರಹ್ಮ

(ಎನು ಬರೆದೆಯ ಬ್ರಹ್ಮ)

ರಾಗ- ತೋಡಿ; ಆದಿತಾಳ

ದಾನೆ ಬರೆಯಾ ಬ್ರಹ್ಮ ಈ ಏತ್ ನಿರ್ದಯಿ?

ಅಭಿ- ಮಾನನ್ ಬುಡುದು ಬೇತೆಕುಲೆಡ ನಟ್ಟರೆ

ಗೇಣುಡಲ್ ಜಿಂಜವರೆ ಪೋದು ಪರೆರನ್, ಪಂಚ

ಬಾಣಸಮ ಪೋರ್ಲುಕಂಟ್ಂದ್ ಪುಗರ್ದ್ ॥

ಆಣೆ ಪಾಡ್‌ದ್ ಇಜ್ಜಿ, ಎಲ್ಲೆ ಬಲ ಪಂಡಿಗನೆ

ಗಾಣ ತಿರುಗುನ ಬೋರಿ ಲೆಕ್ಕೊ ಬಳಲಿಯೆರೆ

ಇತ್ತಿನಕಲೆನ ಇಲ್ಲ ಕಾತ್ ಬೇಜಾರೊಡೂ

ಒತ್ತೊತ್ತುಗಕುಲೆನ್ ಕೊಂಡಾಡೊಂದು ॥

ಇತ್ತೆ ಎನ್ನಡ ಇಜ್ಜಿ, ಬೊಕ್ಕ ಬಲ ಪಂಡಿಗನೆ

ಲತ್ತಾಶುಂಠಿನ್ ತಿಂದಿ ಎಲಿಲೆಕ್ಕೊ ಕೊರಗಿಯೆರೆ

ಬಾಲೆನ್ ತೂಯರಾ

(ಕೂಸಿನ ಕಂಡೀರಾ)

ರಾಗ- ನಾದನಾಮುಕ್ತಿಯೆ; ಆದಿತಾಳ

ಬಾಲೆನ್ ತೂಯರಾ? ಮುಖ್ಯಪ್ರಾಣನ್ ತೂಯರಾ?

ಬಾಲೆನ್ ತೂಯರಾ? ಬಲವಂತನ್ ತೂಯರಾ?

ಅಂಜನೆ ಬಂಜಿಡ್ ಪುಟ್ಟಿನ ಬಾಲೆ

ರಾಮನ ಪಾದೋಗು ಬೂರಿನ ಬಾಲೆ ।

ಸೀತೆಗ್ ಉಂಗಿಲ ಕೊರಿನಾ ಬಾಲೆ

ಲಂಕಾನಗರನ್ ಪೊತ್ತಯಿ ಬಾಲೆ

ಬಂಡಿನುಪ್ಪನೂ ನುಂಗಿನ ಬಾಲೆ

ಬಕನಾ ಪ್ರಾಣೋನು ದೆತ್ತಿನ ಬಾಲೆ ।

ವಿಷೋದಾ ಲಾಡ್ನ್ ತಿಂ ನ ಬಾಲೆ

ಬುಡೆದಿಗ್ ಪೂ ಕೊಣಕೊರ್ತಿನ ಬಾಲೆ

ಪುಲೈರೆ ಲಕ್ದ್ ಗೋವಿಂದ

(ಮುಂಜಾನೆ ಎದ್ದು ಗೋವಿಂದ ಎನ್ನಿ

ರಾಗ- ಆನಂದಭೈರವಿ; ಅಪ್ಪತಾಳ

ಪುಲೈರೆ ಲಕ್ದ್ ಗೋವಿಂದ ಪಣ್ಣೆ | ನಮೋನ
ಮಲ್ಲ ಪಾಪೊಲು ಪೂರ ದೂರ ಪಣ್ಣೆ

ರಾಕ್ಷಸಾಂತಕೆ ಪಣ್ಣೆ ರಾವಣರಿಪು ಪಣ್ಣೆ
ಪೋಕ್ಷಮೂರುತಿ ಧ್ರುವರಕ್ಷಕೆ ಪಣ್ಣೆ |
ದಾಕ್ಷಿಣ್ಯದಾಂತೆ ಭಸ್ಮಾಸುರ ವಧೆಕಾದ್
ಈ ಕ್ಷಿತಿಟತನಗ ನಲಿತೆ ಪಣ್ಣೆ

ಬಲಿಟ ನಟ್ಟಿಯೆ ಪಣ್ಣೆ, ಪೊರುಲು ವಾಮನೆ ಪಣ್ಣೆ
ಬುಲಿತಿ ತಂಗಡಿನ ಕಾಪಾಡ್ಡೆಂದ್ ಪಣ್ಣೆ |
ಕಲಿಕಾಲೊಡೂ ಬತ್ತಿ ಕೃಷ್ಣದೇವೆರ್ ಪಣ್ಣೆ
ನೆಲೊಟು ಪಾಂಡವೆರೆನ್ ಕಾತೇಂದ್ ಪಣ್ಣೆ

ಕರುಣಾಕರೆ ಪಣ್ಣೆ ಕಪಟನಾಟಕೆ ಪಣ್ಣೆ

ದಾನೆ ಮರ್ಲಾಯಮ್ಮ ಓ ರುಕ್ಕಿಣೀ

(ಏನು ಮರುಳಾದೆಮ್ಮ ಎಲೆ ರುಕ್ಕಿಣೀ)

ರಾಗ- ಕಾಂಭೋದಿ; ರುಂಪೆತಾಳ

ದಾನೆ ಮರ್ಲಾಯಮ್ಮ ಓ ರುಕ್ಕಿಣೀ
ಹೀನಕುಲೊತಾ ಗೊಲ್ಲ ಗೋಪಾಲಕೃಷ್ಣಗ್
ಹಾಸಿಯೆರೆಗಿಪ್ಪಂದೆ ಉಚ್ಚಮಿತ್ತೂರಗಿನಯೆ
ಹೇಸಿಗಿಪ್ಪಂದೆ ಕರಡೆನ್ ಸೇರೈಯೆ |
ಗ್ರಾಸೊಗಿಪ್ಪಂದೆ ತೊತ್ತಿಲ್ಲಡ್ ನುಪ್ಪುಂಡಿ
ದೋಷೊಗೂ ಪೋಡ್ತಂದೆ ಮಾಮನೇ ಕೆರಿನಯಗ್
ಕುಂಡಗೋಳೆರೆನಕುಲೆ ಕುಲದೇವೆರಾವೊಂದು
ಮಂಡೆಬೋಳೆರೆನಕುಲೆ ಮನದೇವೆರ್ |

ಪಿಂಡಾಂಡದುಲಯಿದ ಕಂಡನನ್ ತ

(ಪಿಂಡಾಂಡದೊಳಗಿನ ಗಂಡನ ನೋಡದೆ)

ರಾಗ- ಧನ್ಯಾಸಿ; ಆದಿತಾಳ

ಪಿಂಡಾಂಡದುಲಯಿದ ಕಂಡನನ್ ತೂವಂದೆ
ಮುಂಡೆರುಲಾಯೆರ್ ಪಂಡಿತೆರ್

ಆಧಾರ ಮುದೆಲಾದ್ ಆಜಿ ಚಕ್ರೋನು ಮೀರ್ದ್
ನಾದಬಿಂದುಕಲೆ ಕಳೆಯಿ ಬೊಕ್ಕ ॥

ಸಾಧನೆಡಮೃತ ಪ್ರಸಾದೊನ್ ಉಣ್ಣಂದೆ
ಓದ್ದಾದ್ ಮನಸೊಡ್ ಒಂಜೆನ್ ತೆರಿಯಂದೆ

ನಾದದುಲಯಿ ಸುನಾದ ಓಂಕಾರೊಡು
ಪಾದ ಪದೊಟು ಪರಿಣಾಮಿಯಾವಂದೆ ॥

ವೇದಾಂತ ರೂಪ ತದ್ರೂಪು ನಾಲಾಯಿಡ್
ವಾದ ಮಲ್ತಾದ್ ಮನಟೊಂಜೆನ್ ತೆರಿಯಂದೆ

ನನನಾಳಿ ನುದೊಂಚು ನನನ ಶುತ್ತುದು ನನಿ

ರಾಗ- ಕಾಂಭೋದಿ; ರುಂಪೆತಾಳ

ಸುಲಭ ಪೂಜೆನ್ ಮಲ್ವಿ ಬಲದಾಂತಿನಕುಲು
ನಳಿನನಾಭನ ಕಾರ ಕಮಲಸೇವಕೆರ್

|| ೬ ||

ತುಡರ್ ದೀಕೆನೆ ರಾತ್ರೈ, ಹರಿಕ್ ನಂದಾದೀಪ
ಮದೆ ಮಲ್ಪುನಾ ಕುಟು ಮಡಿತವಸ್ತ್ರ ||
ನಡತೊಂದು ಬರ್ಪುನವೆ ಆಯಗ್ ಪ್ರದಕ್ಷಿಣೆಗೆ
ನಿದೆರೊಂದು ಪೊರಳುನೇ ಹರಿಕ್ ನಮಸ್ಕಾರ

ನುಡಿಪಾತೆರೊಲು ಪೂರ ಕಡಲ್‌ಶಾಯಿನ ಜಪೊ
ಬುಡೆತಿ ಜೋಕುಲು ಕುಟುಮ ದೇವಪರಿವಾರ ||
ಅಡಿಪಿಲ್ಲ ಅಂಗಣೊ ಒಡಿಪು ವೈಕುಂತೋಲೇ
ಎಡಬಲೊತ ಇಲ್ಲೊಜನ ಕಡುಭಾಗವತೆರ್

ಇಂಚ ಅನುದಿನ ತೆರಿದ್ ಬದ್‌ಕಿ ಜನೊಕುಲೆ ಕಷ್ಟ
ಎಂಚಲಾ ಪರಿಹಾರ ಆದ್ ಸುಖ ತಿಕ್ಕು ||
ಮಿಂಚೊಂದೆ ಪೋಪುಂಡು ನಮ ಜೀವೊದಾಯುಸ್ಸು
ಅಂಚಾಂಡ್ಲ ನಿನೆಪುಗಾ ಪುರಂದರ ವಿಠಲನ್

ನಿನ್ನನೇ ನಂಬಿಯೇ

(ನಿನ್ನ ನಾ ನಂಬಿದೆನು)

ರಾಗ- ಸಾವೇರಿ; ಅಷ್ಟತಾಳ

ನಿನ್ನನೇ ನಂಬಿಯೇ ಈ ಎನ್ನ ಕಾಪು ||

ಎನ್ನ ಗುಣದೋಷೋಲೆನ್ ಗೆಣ್ಬಂದೆ ಮಾಪು

ಎಲೈಡೂ ಒಂತೆದಿನ ಪೋಂಡು ಪೊಕ್ಕಡೆ ಪೊತು
ಮೇಲ್ ಜವನಾದಿಗೇಡ್ ಮದಯೇರ್‌ದ್ ||

ದಾಳ್ ಸಂಸಾರೋಡೂ ತಿಕ್‌ಬೂರ್‌ದು ಬಳಲಿಯೆನೆ
ಪಾಲಿಪುಲ ಪರಮಾತ್ಮ ಭಕ್ತಿಕೊರುದು

ಆಸೆ ಪಣ್ಬಿನ ಮಿತ್ತಾದಾಕಾಶ ಮುಟ್ಟುಂಡು

ದೇಸಂದ್ ಪೊಣ್ಣಲೆಡ ಬುದ್ಧಿ ಎಂಕ್ |

ವಾಸುದೇವನ ಸ್ಮರಣೆ ಒಂಚಿ ಸರ್ತಿಲ ಇಜ್ಜಿ

ಕ್ಷೇಶ ಬುಡುಪದ್ ನಿನ್ನ ದಾಸೆ ಮಲ್ಲೊಣ್ಣ

ಗೋಪಿನ ಭಾಗ್ಯ ಉಂದು

(ಗೋಪಿಯ ಭಾಗ್ಯವಿದು)

ರಾಗ- ಬೇಹಾಗ್; ಆದಿತಾಳ

ಗೋಪಿನ ಭಾಗ್ಯ ಉಂದು ||

ಶ್ರೀಪತಿ ಪುರುಬಾಲೆ ರೂಪೊಡು ಇಷ್ಟಿನ

ಕಡು ಮುದ್ದು ರಂಗನ್ ತುಡೆಮಿತ್ತಾ ದೀಯೊಂದು

ಜಡೆ ನೆಯ್ತ ಪೂಪುನು ಮುಡಿಪಾದ್ ಬೇಗ |

ಬುಡಯೇಂದ್ ಮುತ್ತುದೊ ಅರಳಿರೆ ನೆತ್ತಿಗ್

ಸಡಗರೊಟಲಂಕಾರಲೆನ್ ಮಲ್ತೊಲು

ನಿತ್ಯಶುದ್ಧಗ್ ನೀರ್ ಮಯಿತ್‌ದ್ ಮೀಪಾದ್

ದೆರ್ತ್ ತುಡೆಟ್ ದೀದ್ ಮಿರೆಕೊರುದು |

ಮುತ್ತು ದೀದಾಯನ್ ಬಗೆಬಗೆ ಗೊಬ್ಬಾದ್

ಬೆತ್ತೊದ ತೊಟ್ಟಿಲ್‌ಡ್ ತುಂಕಿಯೊಲು

ದ ಸಿಬ್ಬಂದಿಯೊಂದು ನುಜಿವೆಂಟುನು ದೀದ್

ಡಂಗುರನ್ ಸಾರ್ಲೆ

(ಡಂಗುರವ ಸಾರಿರಯ್ಯ)

ರಾಗ- ಪೂರ್ವಿ; ಆದಿತಾಳ

ಡಂಗುರನ್ ಸಾರ್ಲೆಪ್ಪ
ಡಿಂಗರಿಗೆರ್ ಮಾತ ಭೂ-
ಮಂಡಲೊಗು ಪಾಂಡುರಂಗ
ವಿಠಲೆ ಪರದೈವ ಪಣ್ಡ್

ಹರಿನ ತರೆತ ಪೂನು ಹರಿ-
ವಾಣ ನಿಲೈ ದೆರ್ತಪತ್ತ್‌ದ್
ಹರುಷೊಡಿತ್ತೆ ಪಾಡ್ ಪಣ್ಡ್
ನಲಿತ್ ತಾಟಿ ತಟ್ಟಲೆ

ಉಡಲ್ ಜಾಗಂಟಿ ಮಲ್ಪಿ
ನುಡಿಪಿ ನಾಲಾಯಿ ಪತ್ತಿ

ಬುಡಯೆ ನಿನ್ನ ಪಾದ

(ಬಿಡೆ ನಿನ್ನ ಪಾದವ)

ರಾಗ- ಮೋಹನ; ಅಷ್ಟತಾಳ

ಬುಡಯೆ ನಿನ್ನ ಪಾದ ಬೂಟು ನನ ದೇಗ್
ಕೊರು ಮನದಿಷ್ಟನ್ ಕೋಪ ನನ ದೇಗ್

ನೀರ್ಗ್ ಪೊಗ್ಗಿಂಡ ಬುಡಯೆನೆ, ಬೆರಿಮಿತ್ತ್
ಭಾರೊನು ದೆರ್ತೆ ಪಂಡಲ ಬುಡಯೆ |

ಕೋರೆದಾಡೆನ್ ಮಸೆದ್ ಕೊಸರ್ಂಡಲಾ ಬುಡಯೆ
ಘೋರ ರೂಪೊಡು ಬತ್ತ್ ಕೂಗುಂಡಲಾ ಯಾನ್

ನಟ್ಟುನಾಯೇಂಡಲಾ ಬುಡಯೆನೆ, ಅಪ್ಪೆನ್
ಕುಟ್ಟುದು ಕಂಟೆಲ್ ಕಡ್ಡಡ ಬುಡಯೇ |

ಪಟ್ಟೊದ ಮಣೆ ಬುಡ್ಡು ಕಾಡ್ ಸೇರೈಡ ಬುಡಯೆ
ಕಟ್ಟ್ ವಿಷೊತ ಮಡು ಲೈತಡಲಾ ಯಾನ್

ಮುಯ್ಯಿಗ್ ಮುಯ್ಯಿ ತೀರ್ಂ

(ಮುಯ್ಯಿಗ್ಗೆ ಮುಯ್ಯಿ ತೀರಿತು)

ರಾಗ- ಪಂತುವರಾಳಿ; ಚಾಪುತಾಳ

ಮುಯ್ಯಿಗ್ ಮುಯ್ಯಿ ತೀರ್ಂಡ್ ||

ಜಗ-ದಯ್ಯ ವಿಜಯ ಸಹಾಯ ಪಂಥರಿರಾಯ

ಕಿನ್ಯಾಯೇಂದ್ ಯಾನ್ ನೀರ್ ಕೊಣಲ ಪಂಡ

ಬೆಣ್ಣೆ ಕಲ್ಲೆ ಕೃಷ್ಣೆ ಮಲ್ತ್ ಮಲ್ತ್ |

ಬಣ್ಣೊದ ಗಿಂಡಿಡ್ ನೀರ್ ಕೊಣತ್ತಂಡ

ಕಣ್ಣ್ ತೋಜಂದೇನ್ ನೋತೆ ಪಂಥರಿರಾಯ

ಎನ್ನ ಪುದರ್ ಪಣ್ಣ್ ಸೂಳೆನಡೆಗ್ ಪ್ರೋದು

ನಿನ್ನೊ ಕಂಕಣ ಈಯೆ ಕೊರುದು ಬತ್ತ |

ಎನ್ನನ್ ತಿಕೊಪಾಡ್ ಭಂಡೇಂದ್ ಮಲ್ಪದ್

ನಿನ್ನ ಮುಯ್ಯಿಗ್ ಮುಯ್ಯಿ ತೀರ್ತ ಪಂಥರಿರಾಯ

ಎಂಚ ಬರೆತ್‌ಂಡೊ ಪ್ರಾಚೀನ

(ಹ್ಯಾಂಗೆ ಬರೆದಿತ್ತೋ ಪ್ರಾಚೀನದಲ್ಲಿ)

ರಾಗ- ಮೋಹನ; ಚಾಪುತಾಳ

ಎಂಚ ಬರೆತ್‌ಂಡೊ ಪ್ರಾಚೀನೊಡು

ಅಂಚನೇ ಇಪ್ಪೊಡು ಸಂಸಾರೊಡೊ

ಪಕ್ಕಿ ಜಾಲ್‌ದ ಅರು ಬತ್ತ್ ಕುಲ್ಲೆಕ್ಕ

ಪಕ್ಕನೆ ಪಾರೊಂದು ಪ್ರೋಯಿಲೆಕ್ಕ

ನಾನಾ ರೀತಿಡ್ ಸಂತ ಸೇರಿಲೆಕ್ಕ

ನಾನಾ ತಾದಿನ್ ಪತ್‌ದ್ ಪ್ರೋಯಿಲೆಕ್ಕ

ತೋಟೊಡು ಜೋಕುಲು ಇಲ್ಲೊಕಟಿಲೆಕ್ಕ

ಆಟ ಯಿಯಾವುಂದು ಅಡಕ್‌ಪ್ರೋಯ್ಲೆಕ್ಕ

ಇರ್ಲ್‌ಡ್ ಪ್ರೋನಗ ಇಲ್ಲೊತೂಲೆಕ್ಕ

ಪಕ್ಕನೆ ಬರೆತ್‌ಂಡೊ ಪ್ರಾಚೀನ

ಕಲಿಯುಗೊಟು ಹರಿನಾಮೊನ್ ನಿ

(ಕಲಿಯುಗದಲಿ ಹರಿನಾಮವ ನೆನೆದರ)

ರಾಗ- ಬೇಹಾಗ್; ಆದಿತಾಳ

ಕಲಿಯುಗೊಟು ಹರಿನಾಮೊನ್ ನಿನೆತ್ಂಡ
ಕುಲಕೋಟಿ ಉದ್ದರಿಪುಂಡು

ನಿಲುಕಂದಿ ಮುಕ್ತಿಗ್ ಸುಲಭಾಂದ್ ಪಂದಿನ
ಜಲರುಪನಾಭನ್ ನೆನೆ ಮನಸೇ

ಸ್ನಾನೊನು ತೆರಿಯಯೆ ವಸೊನೊನು ತೆರಿಯಯೆ
ಧ್ಯಾನೊ ಗೊತ್ತುಜ್ಜಿ ಪಣ್ಡ್ ಈ ಪಣಡ |
ಜಾನಕಿಕಂಡನೆ ದಶರಥನಂದನೆ
ಗಾನವಿನೋದನ್ ನೆನೆ ಮನಸೇ

ಅರ್ಚನೆ ಗೊತ್ತುಜ್ಜಿ ಮೆಚ್ಚಿಗೆ ತೆರಿವುಜ್ಜಿ
ಲುಚ್ಚೆ ಯಾನ್ಂದಾದ್ ಈ ಪಣಡ |

ಒಳಿ ಕಾನಂಕ ಗೊನ್ನಿಂನ ನುಕ್ಕುಂದನ್

ಮಾನವ ಜನ್ಮ ಮಲ್ಲಿಗೆ (ಮಾನವ ಜನ್ಮ ದೊಡ್ಡದೊ)

ರಾಗ- ರೇಗುಪ್ಪಿ; ಅಷ್ಟತಾಳ

ಮಾನವ ಜನ್ಮ ಮಲ್ಲಿಗೆ || ಉಂದೆನ್ |

ಹಾನಿ ಮಲ್ತೊಣ್ಣಡೆ ಬೆರ್ಚಪ್ಪನಕುಲೆ

ಕಣ್ಣ್ ಕೈಕಾರ್ಕೆಬಿ ನಾಲಯಿ ಉಂಡುಂದು

ಮಣ್ಣ್ ಮುಕ್ಕುದು ಮರ್ಲಾವಡೆಯ ||

ಪೊಣ್ಣುಮಣ್ಣ್ಗಾದ್ ಹರಿನ ನಾಮಾಮೃತ

ಉಣ್ಣಂದೆ ಉಪವಾಸ ಇಪ್ಪುವರಾ

ಕಾಲನ ದೂತೆರ್ ಕಾರ್ಪತ್‌ದೊಯ್ಪುನಗ

ಬೇಲೆದಾಳುಲು ವಂತೆ ಸೈರುವೆರ? ||

ದಾಳಿ ಬರ್ಪುನ ದುಂಬು ಧರ್ಮನ್ ಮಲ್ಪುಲೆ

ಸೋಲುದ ಸಂಸಾರ ಸುಳಿಕ್ ತಿಕ್ಕುನಿ ಬೊಡ್ಡಿ

ತಾದಿ ಒವ್ವ ಪಣ್ಣಿ (ದಾರಿ ಯಾವುದಯ್ಯಾ)

ರಾಗ- ಕಲ್ಯಾಣಿ; ಅಪ್ಪತಾಳ

ತಾದಿ ಒವ್ವ ಪಣ್ಣಿ | ವೈಕುಂತೋಗು
ತಾದಿ ತೋಜಲಣ್ಣಿ

ತಾದಿ ಒವ್ವ ಪಣ್ಣಿ ತಾದಿ ತೋಜಲಣ್ಣಿ
ಆದಿ ಮೂರ್ತಿ ನಿನ್ನ ಪಾದ ಸೇರರೆಗ್

ಕಡೆಕೀ ಭವ ಸೇರ್ದ್ || ಕತ್ತಲೆಡ್
ನಡುಗಿಯೆ ಪೋಡಿಗೇಡ್ ||

ಕೊಡಿಕಡೆ ತಿರ್ಗಿಯೆ ತಾದಿನ್ ತತ್ತದೆ
ಅಡೆ ಬರ್ಪಿನ ತಾದಿನ್ ತೋಜಲ ಹರಿ

ದುಂಬು ಪಾಪ ಮಲ್ತಿ || ಅಯಿಕ್ಕೋಸ್ಕರ
ತುಂಬ ಕಷ್ಟ ಬತ್ತೆ ||

ಬದುಕಿಯೆ ಬದುಕಿಯೆ

(ಬದುಕಿದನು ಬದುಕಿದನು)

ರಾಗ- ಕಾಂಭೋದಿ; ರುಂಪತಾಳ

ಬದ್‌ಕಿಯೆ ಬದ್‌ಕಿಯೆ ಭವ ಬೊಡೆದ್ ಪ್ರೋಂಡು
ಪದುಮನಾಭನ ಪಾದೊ ಸಲಿಗೆ ಎಂಕಾಂಡ್

ಹರಿನ ತೀರ್ಥಪ್ರಸಾದ ಇನಿ ಎಂಕ್ ತಿಕ್ಕಂಡ್
ಹರಿಕಥಾಮೃತ ಎನ್ನ ಕೆಬಿ ಸೇರಂಡ್ ||

ಹರಿದಾಸೆರ್ ಎನ್ನ ಪೊದ್ದೆರಿಷ್ಟರ್ ಆದ್
ಹರಿ ಮುದ್ರೆ ಎಂಕ್ ಅಭರಣ ಆಂಡ್

ಮುಕ್ತೆರಾಯೆರ್ ಎನ್ನ ನೂತ್ತೊಂಜಿ ಕುಲದಕುಲು
ಮುಕ್ತಿ ತಾದಿಗ್ ಯೋಗ್ಯೆ ಯಾನಾಯೆನೆ ||

ಮುಕ್ತಿ ಕೊರ್ಪಿನ ಸ್ವಾಮಿ ಭಕ್ತಿಗೇರಂಡ್ ಮನ
ರುಕ್ಮಿಣೀ ಕಂಡನೆ ಎನಕೈಕ್ ತಿಕ್ಕಿಯೆ

ಮೀಸೂಡು ಮಿತ್ತ್ ಜೈಸು

(ಈಸಬೇಕು ಇದ್ದು ಜೈಸಬೇಕು)

ರಾಗ- ಧನ್ಯಾಸಿ; ಅಪ್ಪತಾಳ

ಮೀಸೂಡೂ | ಮಿತ್ತ್ | ಜೈಸೂಡು

ಹೇಸಿಕೆ ಸಂಸಾರೊಡು

ಆಸೆ ಈತ್ ಇಪ್ಪಂದಿಲೆಕ್ಕೊ

ತಾಮರೆದ ಇರೆತ ಲೆಕ್ಕೊ

ಪ್ರೇಮ ದೀದ್ ಈ ಭವೊಟು

ಸ್ವಾಮಿ ರಾಮ ಪಣೊಂದಿತ್‌ದ್

ಭೂಮಿದ ಸುಖ ಪಡೆದ್

ಗೋಂಕು ಪರೊಂದ್‌ಡ್ ಬೀಜ

ಪೀಂಕಿ ಲೆಕ್ಕೊ ಸಂಸಾರೊಡು

ಮೂಂಕು ಮುಟತ ಆಸೆ ಬುಡುದು

ಏರ್ ಬದ್ಕಿಯೆರಪ್ಪ

(ಆರು ಬದುಕಿದರಯ್ಯ)

ರಾಗ- ಕಾಂಭೋದಿ; ಝಂಪತಾಳ

ಏರ್ ಬದ್ಕಿಯೆರಪ್ಪ ಹರಿ ನಿನನ್ ನಂಬುದು
ಊರುಡೊರಿ ತೋಜುಜ್ಜೆ ಈಯೆ ತೋಜಾಲ

ಗರಗಸೊಟು ಕೊಯ್ಯ ಈ ಆ ತಾಮ್ರಧ್ವಜನ ಅ-
ಮ್ಮೆರೆನ ಕಂಟಲ್ನ್ ದಯೆ ತೋಜವಂದೇ ||

ಅರೆಮರ್ಲಲೆಕೊ ಪೋದು ಭೃಗು ಋಷಿನ ಕಣ್ಣೊಡೆತ
ತೆರಿದ್ ತ್ರಿಪುರಾಸುರೆರೆ ಬುಡೆತಿಲೆನ್ ಬೆರೆಯ

ಕಳೊಟು ಕೈಂಟುನ ದುಂಬು ಕರ್ಣನೊರಿಯನ್ ಕೆರಿಯ
ಸುಲಭೊಡೇ ಕೌರವೆರೆ ಇಲ್ಲ ಪೋಳಿತ ||

ನಿಲನ್ ನಟ್ಟೊಂದು ಈ ಬಲಿನ ತರೆನ್ ತೊರಿತ್ತ
ತೆಲಿಕೆಡೇ ಮಿರೆ ತಿಂದ್ ಪೂತನಿನ್ ಕೆರಿಯ

ರಾಮ ಮಂತ್ರನ್ ಜಪಿಪು

(ರಾಮ ಮಂತ್ರವ ಜಪಿಸೋ)

ರಾಗ- ಮಧ್ಯಮಾವತಿ; ಆದಿತಾಳ

ರಾಮ ಮಂತ್ರನ್ ಜಪಿಪು | ನರಮಾನಿ

ರಾಮ ಮಂತ್ರನ್ ಜಪಿಪು

ಆ ಮಂತ್ರ ಈ ಮಂತ್ರ ಪಣ್ಡಾ ಹಾಳಾವಡ
ಸೋಮಶೇಖರೆ ತನ್ನ ಬುಡೆತಿಗ್ ಪಂಡಿನ ಮಂತ್ರ ||

ಕುಲಹೀನೆ ಆಂಡಲಾ ಲೆತ್ತಾ ಪಣ್ಣಿನ ಮಂತ್ರ
ಮಲೆ ಕಂಡ ತುದೆಲಾ ಪಣ್ಣಿ ಮಂತ್ರ ||

ಕಲ್ಮಷೋದ ಕಾಡ್ಗ್ ಕುಡರಿಯಾಯಿನ ಮಂತ್ರ
ಸುಲಭೋಡು ಸ್ವರ್ಗನ್ ಸೂರೆ ಮಲ್ಪಿನ ಮಂತ್ರ

ವಾತಾತ್ಮಜೆ ನಿತ್ಯ ಸ್ಮರಣೆ ಮಲ್ಪಿನ ಮಂತ್ರ
ಮಾತ ಋಷಿಕುಲು ಸೇರ್ದ್ ಪಣ್ಣಿ ಮಂತ್ರ ||

ರಾಮ ಮಂತ್ರನ್ ಜಪಿಪು | ನರಮಾನಿ

ಯಾನೆಂಚ ಬಡವೆ ಯಾನೆಂಚ ವ

(ನಾನೇಕೆ ಬಡವನು ನಾನೇಕೆ ಪರದೇಶಿ

ರಾಗ- ಆನಂದಭೈರವಿ; ರುಂಪತಾಳ

ಯಾನೆಂಚ ಬಡವೆ ಯಾನೆಂಚ ಪರದೇಶಿ

ಶ್ರೀನಿಧಿ ಪರಿ ಎಂಕೊ ಈ ಇಪ್ಪಿ ಮುಟ್ಟ

ಪುಟ್ಟಯಿನ ಅಪ್ಪಮ್ಮೆ ಪೊದ್ದೆರಿಷ್ಟ ಈಯೆ

ಅಷ್ಟಬಂಧು ಕುಟುಮ ಮಾತ ಈಯೆ ||

ಪೆಟ್ಟಿಗದುಲಯಿದಾ ಅಷ್ಟಾಭರಣ ಈಯೆ

ಶ್ರೇಷ್ಠ ಮೂರುತಿ ಕೃಷ್ಣ ಈ ಇಪ್ಪಿ ಮುಟ್ಟ

ಒಡಪುಟ್ಟಿನಯೆ ಈಯೆ, ಒಡಲ್ ಜಿಂಜವುನೀಯೆ

ಪುದೆಪು ತುತ್ತೆರೆ ಕುಂಟು ಕೊರ್ಪಿನೀಯೆ ||

ಬುಡೆದಿ ಜೋಕ್ಷೆನ್ ಪೂರ ಕೊಡಿಮುಟ್ಟವುನಿ ಈಯೆ

ಬುಡಂದೆ ಕಾಪಾಡಿ ಧಣಿ ಈ ಇಪ್ಪಿಮುಟ್ಟ

ಹರಿನಾಮೋದಾ ಗಿಳಿ

(ಹರಿನಾಮದಾ ಗಿಳಿಯು)

ರಾಗ- ಕಾಂಭೋದಿ; ಅಷ್ಟತಾಳ

ಹರಿನಾಮೋದಾ ಗಿಳಿ ಪಾರುಂಡು ಜಗೊಟು ||

ಪರಮ ಭಾಗವತೆರ್ ಬಲೆನ್ ಬೀಸುವೆರ್

ಕೋಪ ಪಣ್ಣಿನ ಪುಚ್ಚಿ ತೂಂಡ ನುಂಗುದು ಬುಡು

ತಾಪ ಪಣ್ಣಿನ ಪಿಲಿ ಒಯ್ಕ್ ಕೊಣವು ||

ಕಾಪ್ಪೊಡುಂದಾಂಡ ನಮ ಎದೆತ ಉಲಯಿ ಬುಡುಂ

ಆಪತ್ತ್‌ಗಾಪುಂಡು ಆ ಮುದ್ದು ಅರಗಿಳಿ

ತಾದಿಡ್ ಪೋನಗ ಕಳ್ಳೆರೆನ ಭಯ ಇಜ್ಜಿ

ಬೀದಿ ಮಾರಿನ್ ಅವ್ವು ನೋತ್ ನೂಂಕುಂಡು ||

ಆ ದುಷ್ಟ ಯಮದೂತೆರೆನ್ ರೆಂಕೆಡೇ ಬಡಿತ್

ತಾದಿ ತೋಜವು ಅನಾದಿ ಪಟ್ಟಣೊಗು

ದೂರು ಮಲ್ಪವರದೇ

(ದೂರು ಮಾಡುವರೇನೇ)

ರಾಗ- ಕೇದಾರಗೌಳ; ಚಾಪುತಾಳ

ದೂರು ಮಲ್ಪವರದೇ || ಕೃಷ್ಣಯ್ಯನ್

ದೂರು ಮಲ್ಪವರದೇ

ಪೂರ ಮೂಜಿ ಲೋಕ ಕಾಪಿ ಶ್ರೀಕೃಷ್ಣನ್

ಗೊಲ್ಲೆತಿ ಇಲ್ಲಗ್

ಕಳ್ಳತನೊಟು ಬತ್‌ದ್

ಗುಲ್ಲು ಮಲ್ತದ್ ಆಲೆ

ಗಲ್ಲ ಅಗ್ಗಿವೆ ಪಣ್ಡ್

ನಂದಗೋಕುಲೊಡು

ಮಂದೆಗೋವು ಕಾ-

ತೊಂದು ಪುರಲ್ ಉಗಿ

ಹರಿನ್ ನಿನೆಪಂದಿ ನರಜನ್ಮ ದ

(ಹರಿಯು ನೆನೆಯದ ನರಜನ್ಮವೇಕೆ)

ರಾಗ- ಪೂರ್ವಿ; ಅಪ್ಪತಾಳ

ಹರಿನ್ ನಿನೆಪಂದಿ ನರಜನ್ಮ ದೇಗ್

ನರ- ಹರಿನ್ ಕೊಂಡಾಡಂದಿ ನಾಲಯಿ ದೇಗ್

ವೇದೊಲೆನೋದಂದಿ ಬಿರಣೆರ್ ದೇಗ್

ಕಾದರೆ ತೆರಿಯಂದಿ ಕ್ಷತ್ರಿಯಿ ದೇಗ್

ಕ್ರೋಧ ಬುಡಂದಿನ ಸನ್ಯಾಸಿಲು ದೇಗ್

ಆದರೊ ಇಪ್ಪಂದಿ ಸಮ್ಮನ ದೇಗ್

ಸತ್ಕಶುದ್ಧ ಇಪ್ಪಂದಿ ಆಚಾರ ದೇಗ್

ನಿತ್ಯನೇಮ ಇಪ್ಪಂದಿ ಜಪತಪ ದೇಗ್

ಭಕ್ತಿಡ್ ಮಲ್ಪಂದಿ ಹರಿಪೂಜೆ ದೇಗ್

ಉತ್ತಮೆರಿಪ್ಪಂದಿ ಸಭೆ ಅಮ್ಮ ದೇಗ್

ದಿಕ್ಕೆ ಪಿದಯುಲ್ಲೆನಾ

(ಹೊಲೆಯ ಹೊರಗಿಹನೆ)

ರಾಗ- ಮುಖಾರಿ; ರುಂಪತಾಳ

ದಿಕ್ಕೆ ಪಿದಯುಲ್ಲೆನಾ? ಉಲಯಿಜ್ಜೆನಾ? ||

ರಕ್ಕಸಾರಿನ್ ನಿನೆಪಿ ಭಕ್ತೆ ಪಣೊಡಾಯಿನ

ಮೇಲ್ ಹರಿಕತೆನ್ ಕೇಣಂದಿನಾಯೆನೆ ದಿಕ್ಕೆ

ಶೀಲ ಬುಡುದು ನಡಪಿನಾಯೆ ದಿಕ್ಕೆ ||

ಆಳಾದ್ ಅರಸೆರೆಗ್ ಕೇಡೆಣ್ಣೆಯೆಡ ದಿಕ್ಕೆ

ಸೂಳೆನೊಟ್ಟುಗು ಇತ್ತಿನಾಯೆ ದಿಕ್ಕೆ

ಬಿದಿತ್ತನಗ ದಾನ ಕೊರಂದಿನಾಯೆನೆ ದಿಕ್ಕೆ

ಮರ್ದ್ ಪಾಡ್‌ದ್ ಕೆರ್ಪಿನಾಯೆ ದಿಕ್ಕೆ ||

ಬದ್ಧನುಡಿ ಏರೆತಾ ಇಜ್ಜಿಯಾಯೆನೆ ದಿಕ್ಕೆ

ಶುದ್ಧೆ ತಾನೇ ಪಣ್ಣಿನಾಯೆ ದಿಕ್ಕೆ

ಕೇಂಡಿ ಸಾಲೊನು ಪಿರ ಕೊರಿಜ್ಜಡಾಯೆನೆ ದಿಕ್ಕೆ

ಏರ್ ಮಲ್ಟೆರ್ ದಾನೆ?

(ಆರೇನು ಮಾಡುವರು)

ರಾಗ- ಮುಖಾರಿ; ರುಂಪೆತಾಳ

ಏರ್ ಮಲ್ಟೆರ್ ದಾನೆ ಭೂಲೋಕೊಡು ||

ಪೂರ್ವ ಜನ್ಮೊದ ಕರ್ಮ ತರಟ್ ಬರೆಯಿನೆಕ್

ಮಲ್ತಿನಟಿಲ್ ಕೆಡೊಂಡ ಕಟೊಂದಿನಾಯೆ ಬುಡುಂಡ

ತೆಲ್ತಿ ಬುಡೆತಿಯೆ ಗೊಬ್ಬು ತೋಜಾವುಂಡ ||

ಮಲ್ತಿ ಗೋಡೆದ ಚಿತ್ರ ಪಿಲಿ ತಿನರೆ ಬತ್ತೊಂಡ

ಒಲ್ತಲ ಪಣಂದಿನವು ಪಾತೆರ್ದೆ ಪಂಡ

ಪೆದ್ದಿನಾ ಅಪ್ಪೆ ಜೋಕ್ಲೆಗ್ ವಿಷನ್ ಪಾಡೊಂಡ

ಮುದ್ದು ಮಲ್ತಿನ ಅಮ್ಮೆ ಪಿದಯಿ ನೂಕುಂಡ

ಕುದ್ದು ರಾಣಿಗ್ ದಾಸಿ ಎದುರುಪಾತೆರ ಪಂಡ

ಗಿಡೊಂದು ಕತ್ತಲೆನೆ ಕರಡಿಲೆಕ ಬತ್ತೊಂಡ

ಕಣ್ಣೊದುಲಯಿದ ಗೊಂಬೆ ಕೈಟೆರೆಗ್ ಬತ್ತೊಂಡ

ಪೊಣ್ಣುದಾ ಪೊರೊಂಬಾಟ ಹೆಚ್ಚಾದ್ ಪೊಂಡ ||

ಉಣ್ಣಂದಿನಾ ನುಪ್ಪು ಬಂಜಿಡ್ ಅಜೀರ್ಣಾಂಡ

ಪುಣ್ಣಿ ಕೀರ್ತೆಂದೊನೇವೊ ಪಾಪ ಪುಟ್ಟುಂಡ

ಧರ್ಮನೆ ಜಯ ಪನ್ನಿ ಮಲ್ಲ ವ

(ಧರ್ಮವೆ ಜಯವೆಂಬ ದಿವ್ಯ ಮಂತ್ರ)

ರಾಗ- ಸಾವೇರಿ; ಅಷ್ಟತಾಳ

ಧರ್ಮನೆ ಜಯ ಪನ್ನಿ ಮಲ್ಲ ಮಂತ್ರ

ಮರ್ಯಾದೆ ತೆರಿದ್ ಮಲ್ಲೆರೆ ಬೋಡು ತಂತ್ರ ||

ವಿಷಪಾಡಿನಯಗ್ ಪತ್ರಸ ಬುಳೆಸರೆ ಬೋಡು

ಮಸೆಪಿ ಕತ್ತಿದಯಗ್ ಮಣೆ ಪಾಡೋಡು ||

ಪುಸಿಗಾರನಕ್‌ಲೆನ್ ವಿಧವಿಧ ಪುಗರೋಡು

ಕಿಸೆಕಲ್ಲನಾ ಪುದರ್ ಮಗಕ್ ದೀಯೋಡು

ಪಿರವು ನಿಂದಿಪುನಯಗ್ ಕೈಮುಗಿಯೆರೆ ಬೋಡು

ಸೆರೆಟ್ ದೀನಾಯನ್ ಸೇರೆ ಬೋಡು ||

ಕೆರ್‌ಪಿ ಶತ್ರುನ ಇಲ್ಲ ನಡತ್ ಪೋವರೆ ಬೋಡು

ಕೊರಿನೆಟ್ ಕುಂದೆಣ್ಣಿನಯನ್ ಲೆಪ್ಪೋಡು

ಸತ್ಯವಂತೆರೆಗುಂದು ಕಾಲ ಅ

(ಸತ್ಯವಂತರಿಗಿದು ಕಾಲವಲ್ಲ)

ರಾಗ- ಮುಖಾರಿ; ರುಂಪೆತಾಳ

ಸತ್ಯವಂತೆರೆಗುಂದು ಕಾಲ ಅತ್ತ

ದುಷ್ಟ ಜನೊಕಿತೆ ಸುಭಿಕ್ಷ ಕಾಲ

ಹರಿಸ್ಮರಣೆ ಮಲ್ಪಿನಯೆ ಹಾಳಾಪಿನ ಕಾಲ

ಪರಮ ಪಾತಕಿಲೆಗ್ ಸುಭಿಕ್ಷಕಾಲ ||

ಸರಿಯಾಯಿ ಪತಿವ್ರತೆನ್ ನಿಂದೆಮಲ್ಪಿನ ಕಾಲ

ದುರುಬುದ್ಧಿ ಜಾರೆಲೆನ್ ಕೊಂಡಾಡಿ ಕಾಲ

ಉಪಕಾರ ಮಲ್ತೊಂಡ ಅಪಕರಿಪುನ ಕಾಲ

ವಿಪರಿಮಿತ ತೆರಿನಯಗ್ ದುರ್ಭಿಕ್ಷ ಕಾಲ ||

ಇಪೆದಾಲ್ ಜೋಕುಲೆನ್ ನಂಬಂದಿನಾ ಕಾಲ

ಕಪಟವೃಂದತ್ತ ನಿಜ ವಿಪರೀತ ಕಾಲ

ಶಕ್ತಿ ಆಂಡ ಊರಿಡೀ ಪೊದ್ದೆರ್

(ಶಕ್ತನಾದರೆ ಊರೆಲ್ಲ ನೆಂಟರು)

ರಾಗ- ಕಾಂಭೋದಿ; ರುಂಪೆತಾಳ

ಶಕ್ತಿ ಆಂಡ ಊರಿಡೀ ಪೊದ್ದೆರ್

ಅ- ಶಕ್ತಿ ಆಂಡ ಅಕುಲೆ ಕಡುವೈರಿಲು

|| ೩ ||

ಕಮಲಪೂ ಸೂರ್ಯತಾ ಇಪ್ಪಿ ಸಂಬಂಧೊಡು

ವಿಮಲ ನೀರ್‌ದ ಮಿತ್ತ್ ತೇಲಾಡುಂಡು ||

ಕ್ರಮ ತತ್‌ದ್ ನೀರ್‌ಡ್ ಮಿತ್ತ್ ಬೂರುಂಡ, ರವಿ

ಗುಮೆಲಿ ಕಿರಣೊಗು ತಿಕ್‌ದ್ ಬಾಡ್ ಪೋಪುಂಡು

ಬಲ್ಲೆಬನ ಪೊತ್ತುನಗ ಗಾಳಿಬೀಜೊಂಡ ತೂ

ಮಲ್ಲೆ ಆದ್ ರಾಪುಂಡು ಬಾನಮುಟ್ಟ ||

ಇಲ್ಲದಾ ದೀಪೊಗು ಗಾಳೀತ್ ಸೋಂಕೊಂಡ

ಕುಲ್ಲಿನಲ್ಬನೆ ಬೊಲ್ಬು ತೆಕ್‌ದ್ ಪೋಪುಂಡು

ವರದೆ ಶ್ರೀಪುರಂದರ ವಿಠಲೆ ಒಲಿಯೆಡ

ಪಕ್ಕನ ಇವಕುಲು ಮೂಜಿ ಇಪ್ಪೆಂಟು ಕಿ ತೆಕ್ ||

ಮುಲ್ಕ ಇಪ್ಪಯೆ ಅಲ್ಪ ಪೋವ (ಇಲ್ಲಿರಲಾರೆ ಅಲ್ಲಿಗೆ ಹೋಗಲಾರೆ)

ರಾಗ- ರೇಗುಪ್ತಿ; ಅಪ್ಪತಾಳ

ಮುಲ್ಕ ಇಪ್ಪಯೆ ಅಲ್ಪ ಪೋವಯೆ
ಕಲ್ಪಾಂತೆ ಈ ಇಪ್ಪಿನಲ್ಪ ಸೇರೊಲ ಎನ್ನ

ಮರಣಲ ಬೊಡ್ಡಿ ಜನನಲ ಬೊಡ್ಡಿ
ಕುರುತೆಲ್ ಸಂಸಾರ ಕೋಟಲೆ ಬೊಡ್ಡಿ
ಕರುಣೆಡ್ ಕೈಕಂಜಿ ಮೇಪಾಯಿ ನಿನ್ನ
ಚರಣ ತಾಮರೆದ ಸ್ಮರಣೆಡ್ ದೀಯೆನ್ನ

ಬೆಯ್ತಿನ ಸಂಸಾರೊ ಬೇನೆದ ಮಧ್ಯೊಡು
ಸೈತೆನೆ ಸೋತುದು ಈ ಕರಕರಿಟ್ ||

ಕೈತೊಲು ಆ ನಿನ್ನ ತುಳಸಿ ವೃಂದಾವನ
ಒಯ್ತೊಂದು ಅಡೆಗೆನ್ನ ಸ್ಮರಣೆಡ್ ದೀಯೆನ್ನ

ರಾಮನಾಮ ಪಾಯಸ

(ರಾಮನಾಮ ಪಾಯಸಕ್ಕೆ)

ರಾಗ- ಪಂತುವರಾಳಿ; ಆದಿತಾ

ರಾಮನಾಮ ಪಾಯಸೋಗು

ಕೃಷ್ಣನಾಮ ಸಕ್ಕರೆ ||

ವಿಠಲನಾಮ ನೆಯ್ಯಿ ಕಲತ್

ಬಾಯಿ ಚಪ್ಪರಿಪ್ಪಲೆ

ಒಮ್ಮನ ಗೋಧಿ ಕೊಣದ್

ವೈರಾಗ್ಯೋ ಕಲ್ಲಡ್ ಬೀಸ್ಡ್ ||

ಸುಮ್ಮಾನ ಸಜ್ಜಿಗೆ ಪೊರಿತ್

ಕಿನ್ನಿ ಶಾಮಿಗೆ ಮಲ್ಪಲೆ

ಹೃದಯ ಪನ್ನಿ ಕರತ ಉಲಯಿ

ಭಾವ ಪನ್ನಿ ನೀರ್ ಮಯಿತ್ ||

ನುದುರ ಬುನಿ ಪಾಕ ನೂಕ

ಮಂಗಳ ಪದ

ರಾಗ- ಮಧ್ಯಮಾವತಿ; ಏಕತಾಳ

ಮಂಗಳಂ | ಶುಭ | ಮಂಗಳಂ

ಪರಪಿನ ನೀರ್‌ದ ಮೀನ್‌ಗ್

ಬೆರಿಟ್ ಗುಡ್ಡೆನ್ ದೆರ್ತಿ ಏಮೆಗ್

ಪಿರ ಭೂಮಿನ್ ಕೊಣಕೊರ್ತಿನ ಪಂಜಿಗ್

ಪುರುಬಾಲೆನ್ ಕಾತಿ ನರಸಿಂಹಗ್

ಭೂದಾನ ದೆತೊಂಡಿನ ವಾಮನಗ್

ಮೇದಿನಿಪೆರೆ ಕುಲ ಕೆರಿನಯಗ್ ||

ಕೋದಂಡ ಪತ್ತಿನ ದಶರಥರಾಮಗ್

ರಾಧಾಮಾಧವೆ ಗೋಪಾಲಕೃಷ್ಣಗ್

ಬತ್ತಲೆ ಉಂತಿನ ಬುದ್ಧಗ್

ಕಡ್ತೊಂದು ಬತ್ತಿನ ಕಲ್ಕಿಗ್

ಶಬ್ದಾರ್ಥಪಟ್ಟಿ

- ತುಚ್ಛ	ದೊಂಪೂ	- ಚಪ್ಪರ,
- ತೊಟ್ಟ ಪತ್ತಾ,	ನಸಲ್/ನಿಸಲ್	- ಮುಂಡೆ
ಅರಾದ್ ಪತ್ತಾ	ನೋಚೊ	- ಕೆಣಕುನಿ
- ಇತ್ತೆ	ಪಜಿರ್	- ಪಂತಿ
- ನರಿ, ನರಿತ್ ಪೋ	ಪಜ್ಜೆ	- ಹೆಜ್ಜೆ
- ಅಮೆ	ಪುಡಯಿ	- ಕಾಂಟೈ
- ಕತ್ತಿ, ಖಿಡ್ಗ	ಪುರಲ್	- ಕೊಳಲ್
- ಕಟಾಕ್	ಪುಸಿಗಾರೆ	- ಕಳು ಪ
ತೋಜಾ,	ಪೊರಿಪು	- ಪೊದ್ದು
ಅನುಗ್ರಹಿಪು	ಬಡಿ	- ನೋಪು
- ಕಂಡೆಯರ	ಬಿರ್ದ್	- ಸಿರಿತನೆ
- ಎಲ್ಕಾಯೆ		ಮಲ್ಲಾತಿ
- ಕಿನ್ನಿಬಾಲೆ	ಬೂಟು	- ಹಮ್ಮು
- ಹಂಗ್ ಸಾವುನ	ಬೊರು	- ಪುಲ್ಟಾ
ಪಾತೆರ, ನಿಂದನೆ	ಮಜ್ಜೆ	- ಮಜೆ,
- ಬೆಂಜಣ	ಮಮ್ಮು	- ಮಿರೆ